



მ ა რ ტ ი  
1932 წ.  
№ 75

# საქართველო


La Géorgie  
Indépendante  
Revue mensuelle  
M A R S  
1932—№ 75

ს ა ქ ა რ თ ვ ე ლ ო ს პ ო ლ ი ტ ი კ უ რ ი პ ა რ ტ ი ე ბ ი ს ო რ გ ა ნ ო .

## შ ი ნ ა ა რ ს ი :

მეთაური—არისტიდ ბრიანი.  
გაჟი—რუსეთის რევოლუცია.  
მ. მ.—რამოდ. შენიშვნა კავ. პაქტის კონ.პ. შესახ.  
საქართველო მსოფლიოს წინაშე.  
კ. კ—მე—პიტლერი და რასისტული მოძრაობა.  
ანჟანი—კავკ. კონფ. კონსტ. პროექტის შესახებ.  
ეროვნული მოძრაობა მაჰმადიანთა შორის.

საქართველოს ამბები.  
უკრაინელთა შორის.  
თურქესტანში.  
მ. ანი—ქართველები გერმანიაში.  
ეთარი—ისევ მსხვერპლი.  
ქართველ უმუშევ. დამხმ. კომიტ. ანგარიშები.  
ხ. ე—ისტორიული ამბები.



არისტიდ ბრიანი  
(1862—1932)

არისტიდ ბრიანე

ევროპას ჰყვარია და ჰყავს ბევრი გამოჩენილი პირი, რომლებიც არა მარტო სიკვდილი ახდენს დიდ შთაბეჭდილებას არა მარტო სამშობლოში, მის გადაღმაც, მთელს მსოფლიოში. ერთი ასეთი პირი ევროპა დაჰყავს საფრანგეთში: არისტიდ ბრიანე.

ჯერ კიდევ არ იყო გასვენებული ცხედარი, როცა საფრანგეთის პალატამ და სენატმა ერთხმად დაადგინეს—«არისტიდ ბრიანე სამშობლოს დიდი პატივისცემა დაიმსახურა»—უმალესი ჯილდო, რომელსაც უბოძებს ხოლმე ფრანგის ერი თავის საუკეთესო შვილთ. შემდეგ, ეროვნულ გასვენების დღეს, მის წინ ქედი მოიხარა პარიზის ხალხმა, ერის ყველა წრეების დელეგაციებმა, ერთა ლიგის და უცხო სახელმწიფოთა განსაკუთრებულმა მისიებმა, საერთაშორისო სამშვიდობო ორგანიზაციებმა... ერთი სიტყვით, სურათი გრანდიოზული იყო.

ერთად ერთ სამგლოვიარო სიტუაციაში, რომელიც წარმოსთქვა პრემიერ-მინისტრმა ანდრე ტარდიომ, აღწერილ იქნა არისტიდ ბრიანის ცხოვრება და მოღვაწეობა, ფრიად მდიდარი შინაარსით. მარტო ის ფაქტი, რომ განსვენებულნი თერთმეტჯერ პრემიერ-მინისტრი და ოცდა ექვსჯერ საგარეო მინისტრი იყო, საკმარისია ამის საილიუსტრაციო.

მაგრამ ყველაზე მნიშვნელოვან დამსახურებად არისტიდ ბრიანის მოღვაწეობაში სამართლიანათ ითვლება ორი საქმე: ეკლესიის უმტკივნეულოთ გამოყოფა სახელმწიფოსაგან და განუწყვეტელი ზრუნვა საერთაშორისო მშვიდობიანობისათვის.

ერთი დიდი დამსახურება, რომელიც არ ხსენებულა სიტყვაში, მაგრამ დაუვიწყარია ქართველ ერისათვის, არის საქართველოს ცნობა უმაღლეს საბჭოს მიერ არისტიდ ბრიანის თავმჯდომარეობით. ამიტომ, გარდაიცვალა თუ არა, ჩვენი მთავრობის თავმჯდომარემ და ელჩმა სამხიმრის წერილებით მიმართეს, ქართველ ერის სახელით, პრემიერ-მინისტრს ანდრე ტარდიოს, აგრეთვე მონაწილეობა მიიღეს მათ და ქართველმა ემიგრანტებმა სამგლოვიარო პროცესიანში.

ცოცხალ ყვავილებისგან შეკონილი დიდი ღვრი, რომელიც მიიტანა საქართველოს საელჩომ, შემდეგ წარწერას ატარებდა: «არისტიდ ბრიანის ქართველი ერი».

თქმულთან დაკავშირებით არ შეგვიძლია გვერდი აუაროთ ერთ მნიშვნელოვან გარემოებას ჩვენთვის. მშვიდობიანობის ერთგულობამ არისტიდ ბრიანი მოსკოვთანაც კი დაალაპარაკა! ამბობენ,

და სიმართლესთან ახლოცაა, რომ ეს ქვეტი უფრო დიპლომატიური დივერსია იყო ვიდრე გერმანიის წინააღმდეგ, როცა უკანასკნელმა ავსტრიასთან საბაჟო გაერთიანება მოინდომა. მართლაც, წარსულ სექტემბერს, როცა ეს კითხვა მთელის სიმწვავეთ იდგა ქვენევაში, არისტიდ ბრიანმა მიიღო ლიტერინოვი პირველათ და დასთანხმდა მოლაპარაკების დაწყებას პარიზში.

ორი კითხვა გახდა ამ მოლაპარაკების საგანი: სავაჭრო ხელშეკრულება და თავდაუსხმელობის პაქტი. ჩქარა ჩამოვიდნენ მოსკოვიდან საბჭოთა მოხელენი და გამართეს ბუბა სავაჭრო და საგარეო სამინისტროთა მოხელეებთან. მაშასადამე, ეს ჯერ კიდევ არ იყო ფორმალურათ კონფერენცია, საფრანგეთის მთავრობის წინაშე არც კი დასმულა კითხვა.

სავაჭრო ხელშეკრულება ჩაიფუშა: მოსკოვმა მოითხოვა კრედიტები. პარიზმა კი უარი უთხრა და ამით გათავდა საქმე. რაც შეეხება თავდაუსხმელობის პაქტს, აქ კი ცოტა რამ მიღწეულ იქნა: დაიწერა პროექტი და ინიციალებით ხელი მოაწერეს (პარაფი). ეს იმას ნიშნავდა, რომ მოსკოვის და პარიზის მთავრობათ უნდა განეხილათ იგი ცალ-ცალკე და. თუ მოუწონებდნენ, რატიფიკაცია უნდა გაეკეთებიათ მისთვის. მაგრამ აქამდის არ მისულა საქმე, რადგან პარიზი იმ შემთხვევაში წავა ამაზე, თუ პოლანეთი და რუმინია დასდებენ მზგავს პაქტს მოსკოვთან. პოლანეთმა უკვე გააკეთა პარაფი საბჭოებთან, ხოლო რუმინიასთან, ბესარაბიის გამო, საქმე შეჩერდა.

აი, მოკლეთ საქმის ვითარება. რა მხრივ გვიანტერესებდა ჩვენ ეს? იმ მხრივ, რომ პარიზ-მოსკოვის პროექტში ჩატანებულია დაუსახელებლათ (მუხლი მე-4) საქართველოს საელჩოს მოხსნა, თუ პაქტი დამტკიცდა!

საფრანგეთის პრესის უდიდესი ნაწილი სასტიკათ ილაშქრებს საზოგადოთ პაქტის წინააღმდეგ და საელჩოს მოხსნას კი სილაჩრედ ნათლავს. თან საერთაშორისო კონფერენტურაც ძალზე შეიცვალა. ერთად ერთი სერიოზული მოტივი—ვიტომ ამით გათიშავდნენ მოსკოვს ბერლინისგან—ჩაფლავდა, განსაკუთრებით მას შემდეგ, რაც ქვენევის განიარაღების კონფერენციამ, გათიშვის მაგიერ, ნამდვილი დემონსტრაცია მოახდინა და მოახდენს კიდევ მათი ბლოკისა...

ჩვენ ეს ეპიზოდი მოვიყვანეთ არა იმისთვის, რომ ჩრდილი მიგვეყენებია არისტიდ ბრიანის ხსენისათვის. ჩვენ ვიცით, რომ მას სრულიად არ ჰქონ



ნდა განზრახვანი ჩვენი საელჩოს მოხსნა, როცა ლიტვინოვთან გააბა ბაასი. მას ასულდგმულებდა საერთაშორისო მშვიდობიანობა და საფრანგეთის ინტერესები, რომელიც არ მოითხოვს საქართველოს ინტერესების შეწირვას. ეს არის საფუძველი ჩვენი საელჩოს თერთმეტი წლის არსებობისა, მიუხედავად იმისა, რომ ქვეყანა დაკავებულია უცხო ჯარებისგან.

როცა მოსკოვის პირველი ელჩი კრასინი შეეჩება ჩვენს ელჩს ელისეს სასახლეში, პირველ იანვარს 1925 წ., მან დაწვრილი ტელეგრამით ამცნო თავის მთავრობას: ეს მდგომარეობა ჩემთვის აუტანელია. რატომ? პასუხი გაცა ჩიჩერინმა და რაკოვსკიმ საბჭოთა კავშირის ეგზეკუტივის ყრილობაზე, იმავე წელს ტფილისში: საფრანგეთის დელეგაციის თავმჯდომარემ ფრანკო-რუსულ კონფერენციაზე დემონსტრირებდა მისწერა კრასინს—საქართველოს საელჩო მოიხსნება!

საგულისხმევია მეორე ფრაზაც, რომლითაც გაუმასპინძლდა არისტიდ ბრიანი მოსკოვის მეორე ელჩს რაკოვსკის: ეს თქვენ არ გეხებათ, ბატონო ელჩო! ლაპარაკი იყო საქართველოს საელჩოზე, რომლის მოხსნისთვის რაკოვსკი თავს აზნებდა ბრიანს. ბოლოს, როგორც ვიცით, ბრიანმა პარიზიდან გაისტუმრა რაკოვსკი და საბჭოებმა კიდევ-მოსკოვიდან.

ოქტომბერი 1924 წ. მართლაც სასიფათო იყო საქართველოს საელჩოსთვის. საფრანგეთმა იცნო საბჭოები და მით თითქო იგულისხმებოდა საელჩოს გაქრობა. ეს არ მოხდა ორი მიზეზით: საფრანგეთმა, მისი დიდი ტრადიციების მიხედვით, არ წაიღო უკან თავისი სიტყვა და ქართველმა ერმა სწორედ იმავე წლის აგვისტო-სექტემბერში აჩვენა ქვეყნიერებას,

რომ ის არ დაუშვებს ძირს თავის ეროვნულ დროშას, ემბლომას დამოუკიდებლობისა და ხელმწიფებისა.

ჩვენ მივადექით იმავე ქართველ ერს, წყაროს ჩვენი იმედებისა და მომავლის. დიპლომატია კარგი საქმეა, მაგრამ მას არ ძალუძს ქვეყნის აღდგენა, თუ თვითონ ერი არ განაგრძობს გმირულ ბრძოლას სამისათვის. ამ ორი მომენტის შეფარდება—შენამება—აი რა უნდა გვიდგეს მუდამ თვალწინ.

პასის ლამაზ სასაფლაოზე, პარიზში, სადაც დროებით დაკრძალული არის არისტიდ ბრიანი, თქვენ დანახავთ გვირგვინების მთელს ზვინს სხვა და სხვა პირებისგან, დაწყებული უბრალო მომაკვდავიდან და გათავებული მეფეებით. მაგრამ მათ შორის სამი ლენტი იპყრობს ყურადღებას: მარჯვნივ საფრანგეთის პრეზიდენტის, მარცხნივ საფრანგეთის მთავრობის და შუაში ქართველი ერის. უამრავი ხალხი, რომელიც დღე-მუდამ რიგშია არისტიდ ბრიანის პატივის საცემლათ, ხედავს ამ წარწერებს, გაიგონებთ ხშირათ ხმამალა წარმოთქმულ სიტყვებს: «ქართველი ერი! ვიცით, ვიცით, ჩაგრული ქართველი ერი...»

რას ნიშნავს ეს? იმას, რომ ფრანგის ერს, გარდა სხვა ღირსებათა, შნოცა აქვს, მან იცის, სად რა ეკუთვნის, რა ჩასწვდება ყველაზე ღრმად მოზღვავებულ ხალხს გულში. გახსოვდეთ—თითქო ეუბნება ის მათ—არისტიდ ბრიანი ჩაგრულ ერთა მეგობარიც იყო.

აქვს თუ არა, შერჩა თუ არა ქართველს ეს შნო? აქვს, შერჩა. და ამას ის გამოაჩენს, როცა კვლავ აფრიადდება მის სამშობლოში თავისუფლების დროშა. მაშინ, მხოლოდ მაშინ ის დაუდგამს თავის დედაქალაქში ახოვან ძეგლს იმ პირს, რომელმაც იცნო ქართველი ერი და შეიყვანა საერთაშორისო ოჯახში.

რ უ ს ე თ ი ს რ ე ვ ო ლ უ ც ი ა

I.

ამაწლის მარტში რუსეთის რევოლუციას 15 წელი შეუსრულდა. ამ წნის განმავლობაში მან განვითარების რამდენიმე საფეხური განვლო და არა ერთი და ორი ფერიცვალა განიცადა. მიუხედავად ამისა, იგი დღესაც ფინქსია და გადაჭრით არავინ იცის, ვინ არის იგი და საით მიემართება!

თებერვალი—ოქტომბერმა შესცვალა, სამხედრო კომუნიზმი—ნეპმა, ნეპი—ხუთწლედმა.

თებერვლის რევოლუციამ მეფის თვითმპყრობელობა დასცა, მეფის იმპერიალიზმი დაამარცხა—რუსეთის იმპერიისგან გავიდენ პოლანეთი და ფინლიანდია და ძალა-უფლება ლევი-კერენსკის დროებითს მთავრობას მიანიჭა. ეს უკანასკნელი რუსე-

თის ბურჟუაზიისა და ინტელიგენციის ინტერესებისა და სურვილების გამოძახებელი იყო. მას უნდოდა ომი ბოლომდის მიეყვანა, რუსეთის საზღვრები გაეფართოებია და შიგნით ბურჟუაზიული თავისუფლება დაემყარებია. მოკლედ, მეფის ყოფილი რუსეთი ევროპიულათ მოეწყო.

უჯარო ბურჟუაზია და კაბინეტში აღზრდილი მეოცნებე ინტელიგენცია დამარცხდა. რევოლუცია სულ სხვა გზით მიიმართა, ვინემ მათ ეგონათ და სურდათ. თებერვლის რევოლუციის ხელმძღვანელებმა არარეალური ამოცანა დაუსახეს მას გადასაჭრელათ. ისინი ვერ მიხედნენ, რომ რუსეთის ხალხს ომის წარმოება არ შეეძლო. გარდა ამისა, რუსეთის რევოლუციის მომადრავებელ ძალებს ევროპიული საზომით



მიუდგენ. მათ დაავიწყდათ, რომ რუსის ხალხი უკუ-  
ლტურო, შეუგნებელი და შეუკავშირებელია. ამი-  
ტომ რევოლუციაში მას სტიქია დაეპატრონა და არა  
ორგანიზაცია. ცნობილი პობედონოსცევის პოლი-  
ტიკამ—რუსის ხალხის განვითარება ერთ წერტილზე  
უნდა გაიყინოს, თუ გვინდა მონარქია და რუსეთის  
თავისებურობა შევინახოთ, თავისი შედეგი გამოი-  
ღო. ვერც მონარქია შეინახეს და იმპერიაც გადა-  
აყოლეს მას.

რევოლუციის მთავარმა ძალებმა—პროლეტარი-  
ატმა და გლეხობამ, პოლიტიკურათ მოუმწიფებელ-  
მა და შეუკავშირებელმა მიიღო მონაწილეობა რე-  
ვოლუციაში. ამ მოვლენამ დიდი გადამჭრელი რო-  
ლი ითამაშა. ამით ხასიათდება რუსეთის რევოლუ-  
ცია. გერმანიაში ყველა კლასები რევოლუციას პო-  
ლიტიკურათ გაწვრთნილი და კლასიურათ დარაზმუ-  
ლი შეხვდნენ. რუსეთში კი—შეუკავშირებელი და მო-  
უმზადებელი.

ამიტომ რუსის ხალხი სტიქიას გაყვა, შორს ვერ  
განსჯვრიტა, მტერსა და მოყვარულს ვერ გაირკვა და  
დემაგოგია ჭეშმარიტებათ მიიღო. მან «ხვალინდელ  
ქათამს, დღევანდელი კვერცხი ამჯობინა», დემოკრა-  
ტიულ რესპუბლიკას—დიქტატურა, თავისუფლებას  
—ანარქია და ძარცვა-გლეჯა.

ერთი სიტყვით, რუსის მუშებმა და გლეხობამ,  
ომთან ერთათ, თებერვლის რევოლუციის დემოკრა-  
ტიული პროგრამაც უარყო. დროებითი მთავრობა  
დამარცხდა და ბოლშევიზმა გაიმარჯვა.

რევოლუციის ბელადები ლენინი და ტროცკი გან-  
დენ. ორივე ისინი, თავის პარტიასთან ერთათ, რევო-  
ლუციონური მასსების პსიქოლოგიისა და მისწრა-  
ფების გაგებაში, დიდი რეალისტები აღმოჩნდნენ.  
მარქსიზმის სკოლა ამ შემთხვევაში მათ ძლიერ გა-  
მოადგათ მაგრამ რევოლუციის ამოცანების დასმა-  
ში, ისინი გაცილებით უფრო დიდი უტოპისტები  
აღმოჩნდნენ, ვინემ თებერვლის რევოლუციის ხელმ-  
ძღვანელნი. რუსეთის სინამდვილეს ანგარიში არც  
მათ გაუჩიეს.

რუსეთის ჩამორჩენილ პროლეტარიატს ამოცა-  
ნათ დაუსახეს სოციალური რევოლუციის ავანგარ-  
დობა და საერთოთ რუსეთის რევოლუცია—სოცია-  
ლური რევოლუციის პლაცდარმით გამოაცხადეს.  
ცხადია, ეს უტოპია იყო იმდენათ, რამდენათ იგი  
ჩამორჩენილი რუსეთის მუშებისა და გლეხების ძა-  
ლას აღემატებოდა.

სანამ სტიქია ბობოქრობდა, სანამ სამოქალაქო  
ომი სწარმოებდა, რევოლუციონური კლასები ვერ  
ხელაგდენ ბოლშევიკების მიერ დასახულ ამოცანასა  
და მათ ინტერესებს შორის არსებულ წინააღმდეგო-  
ბას. მაგრამ, რა რომ სამოქალაქო ომი გათავდა და  
აგრეთვე ნათელი გახდა ევროპის რევოლუციების  
ბედი და სახე, რევოლუციონურმა მასსებმა ბოლშე-  
ვიკებსაც შეაქციეს ზურგი. 1921 წ. მარტში მომხდა-  
რი კრომდენტის აჯანყება ამის ნიშანი იყო.

შეშინებულმა ლენინმა უკან დაიხია, რუსეთის  
სინამდვილეს ანგარიში გაუჩივა და ნების შემოიღო.  
ის ამ დროს თავის პარტიას ასწავლიდა: გლეხობა  
დააკმაყოფილეთ და ვაჭრობა ისწავლეთ. ამით ლე-

ნინმა რევოლუცია უტოპიისგან გაანთავისუფლა.  
მისი ამოცანები რეალურ სინამდვილეს შეუფარდა  
და მასსების თვალში თავისი ავტორიტეტი ისევ  
აღადგინა.

ამ რიგათ, სამხედრო კომუნიზმის ხანა გათავდა.  
თვით ბოლშევიკების მიერ იგი სოციალიზმის კარი-  
კატურათ იქნა გამოცხადებული.

ნებს რუსეთის რევოლუცია მიყავდა ბურჟუაზი-  
ული წესწყობილების განმტკიცებისკენ. იგი ბოლოს,  
ამა თუ იმ სახით, ბოლშევიკური დიქტატურის ლი-  
კვიდაციას მოახდენდა. ნების ლოლიკური განვითა-  
რება. უეჭველათ ამას მოგვეცმდა. ეს იქნებოდა რუ-  
სეთის რეალური ძალთაგანწყობილების სწორი გა-  
მოხატულება.

როგორ მოიქცეოდა ამ შემთხვევაში ლენინი,  
ამის თქმა ძნელია. შეიძლება «ანის» შემდეგ, იგი  
«ბანსაც» იტყოდა და ბოლშევიკური დიქტატურის  
ლიკვიდაციას მშვიდობიანი გზით მოახდენდა. ერთი  
კი ცხადია, მისმა მემკვიდრეებმა ეს გზა უარყვეს.


სტალინმა რუსეთის რევოლუციაში ახალი ხანა  
შექმნა. მან ისევ უტოპია მოახვია ზევიდან რუსის  
ხალხს და შეუფერებელი ტვირთი აკიდა მას. «ევრო-  
პისა და ამერიკის დაწვევა და გასწრება», რუსეთს არ  
შეუძლია. მას ამისთვის არც მატერიალური და არც  
კულტურული შესაძლებლობა არა აქვს. ეს იმას ნი-  
შნავს. ავტოს ქვეითა კაცი შეაჯიბრო, მატარებელს  
—ცხენით გამოეკიდო. ხუთწლელი კიდეც რომ გან-  
ხორციელდეს, ამით რუსეთი ევროპა ვერ გახდებდა.

სტალინი ტყვილათ უმტიციებს თავის ქვეშევრ-  
დომთ, რომ იგი სოციალიზმს ამყარებს. ერთ ქვეყა-  
ნაში სოციალიზმი და ისიც ჩამორჩენილში, ვერ წა-  
რმოედგინათ მარქსა და ენგელს და იგი არ სწამდა  
არც ლენინს. სტალინმა ყურით რომ მიათრიოს ლე-  
ნინი პოლიტიკურ ომში, ასეთ რასმეს მას, მაინც ვერ  
უპოვის. ეს ლენინიზმი კი არ არის, ეს სტალინიზმი  
და როცა კომუნისტი ოპოზიციონერები ლენინს  
სტალინიზმს იცავენ, ისინი მართალი არიან. ამ ნია-  
დაგზე ლენინის პარტია დაიშალა და მისი ადგილი  
ესლა სტალინის პარტიას უკავია.

მართალია, სტალინის ხუთწლელი სოციალიზმის  
ისეთივე კარიკატურა არის, როგორც ლენინის სამ-  
ხედრო კომუნიზმი იყო, მაგრამ მათ შორის განსხვა-  
ვებაც არსებობს.

სამხედრო კომუნიზმის დროს მუშები და გლე-  
ხები სტიქიურათ ანხორციელებდნენ თავის მიზნებს.  
მუშები ეპატრონებოდნენ ქარხნებსა და ბურჟუაზიის  
ქონებას, გლეხები—მიწებს. ამიტომ ისინი არ განიც-  
დიდენ სამხ. კომუნიზმის შედეგების სიმწვავეს, ისე  
მკაცრათ, როგორც დანარჩენი კლასები. ამ დროს  
ბოლშევიზმი და რევოლუციონური კლასები ერთათ  
იყვენ.

წინააღმდეგ სურათს აქვს ადგილი «ერთი ქვეყნის  
სოციალიზმის» ხანაში. ხუთწლელი მუშებსა და გლე-  
ხებს სტალინმა ზევიდან მოახვია. რომ საბჭოთა კავ-  
შირში თავისუფალი ანკეტა მოახდინოთ, მეტი თუ  
არა, მუშებისა და გლეხების 95 პროც. ხუთწლელისა  
და სოფლის კოლექტივიზაციის წინააღმდეგ მისცემს  
ხმას. ეს გასაგებიც არის, ვინაიდან სტალინმა მთელს



საბჭოთა კავშირში ყმური ურთიერთობა დაამყარა და მუშები და გლეხები სახელმწიფო კაპიტალიზმის უკიდურესი ექსპლოატაციის ობიექტად გახდა.

სტალინი ანხორციელებს ხუთწლის გეგმას, მაგრამ მას გვერდში რევოლუციონური მასები კი არ უდგია, როგორც ეს ლენინის სამხედრო კომუნიზმის ხანაში იყო, არამედ სახელმწიფო აპარატი და ჩეკა-მათში თავმოყრილია სხვადასხვა კლასებიდან ამოკრეფილი ავანტურისტული, კარიერის მაძიებელი, ელემენტები, რომლებიც თანდათან მართველი წოდების (და არა კლასის) სახეს ღებულობენ. აი ის ძალა, რომელზეც სტალინის დიქტატურა ემყარება და რომლის საშვალეობითაც იგი ხუთწლედს ანხორციელებს.

პროლეტარიატი და გლეხობა აქ არაფერ შუაშია. ისინი დღეს მართველი კლასები აღარ არიან. მათი სახელით, როგორც სამართლიანათ აღნიშნავს რუსი სოციალდემოკრატი ოლა დამანსკაია («სოც. ვესტ.» № 5), მხოლოდ ლაპარაკობენ. ეს არასფერს არ ნიშნავს. ნაპოლეონი მუდამ რევოლუციის სახელს ფიცულობდა და როცა ტანტს ართმევდნენ, ისტერიულად გაიძახოდა—რევოლუცია იღუპება.

ამიტომ არც სტალინის რევოლუციონურმა ფრანკოლოგიამ უნდა შეგვიყვანოს შეცდომაში და

არ უნდა გავუშვათ მხედველობიდან ის ფაქტი, რომ სტალინის დიქტატურამ რევოლუცია დატუსა, განაიარაღა და რევოლუციის მთავარ მამოძრავებელ ძალებთან იგი კონფლიქტშია. მათ შორის დღეს თანამშრომლობა კი არ არსებობს, როგორც ლენინისა და ტროცკის დიქტატურის ხანაში იყო, არამედ—ბრძოლა.

15 წლის წინეთ პროლეტარიატმა და გლეხობამ ბოლშევიკური დიქტატურა თავისი სისხლითა და ხორციით შექმნა. დღეს ისინი ერთმანეთს გაშორდნ და ეს არის რევოლუციის მთავარი დამახასიათებელი მომენტი და არა ის, რომ სტალინი ქარხნებს აშენებს.

ქართული ანდაზა ამბობს: «ძალი ვინც მოკლა, მან უნდა გადაათრიოს». რუსეთის პროლეტარიატსა და გლეხობას ისტორია აკისრებს გაანთავისუფლოს რუსეთი ბოლშევიკების დიქტატურიდან. სხვა ძალა არ არსებობს. ბრძოლა უკვე დაწყებულია.

რა სახეს მიიღებს იგი და რას მოგვცემს შედეგათ, აი კითხვა, რომლის შესახებ დღეს ბევრს სწერენ და ლაპარაკობენ. მაგრამ ამაზე სხვა დროს.

გაყი.

ჩენია, 1932 წ. 15 მარტი.

### კამოლენიმი უნისუნა კავკასიის კონფედ. პაქტის პროექტისათვის

კავკასიის კონფედერაციის პაქტის პროექტის შემუშავება დიდი მოვლენაა კავკასელ ერთა ცხოვრებაში. ეს ამტკიცებს, რომ ისტორიის გაკვეთილებს ტყვილად არ ჩაუვლია და ამ ერთა ხელმძღვანელებმა შეიგნეს პირდაპირი კავშირის საჭიროება. ნურავინ იფიქრებს, რომ პროექტის მიზანი მიუღწეველია პრაქტიკულად, რადგან კავკასია დღეს საბჭოთა ბატონობის ქვეშ იმყოფება. მართალია, პროექტი ესლავე ძალაში ვერ შევა ხოლო ჩვენს წინაშე საზოგადოებრივი აზრის ფრიად მნიშვნელოვანი დემონსტრაციაა; კიდევ მეტი. პაქტის პროექტის შედგენა თავიდან აგვაცდენს ბევრს დავას, რომელიც შესაძლებელია ჩამოგარდეს კავკასიის ერთა თავისუფლების აღდგენის დროს. ამიტომ არ იქნება უსარგებლო, აქედანვე შევუდგეთ პროექტის განხილვას.

ამ წერილში ჩვენ საერთოდ გადავავლებთ თვალს პაქტს. შემდეგ კი თითოეული მუხლის დაწვრილებითს ანალიზს გავაკეთებთ და შევეცდებით აღვნიშნოთ პროექტის უმთავრესი თავისებურებანი და გავაშუქოთ ნაკლიც.

პროექტს აქვს კონფედერაციის პაქტის სახელი, რაც კგულისხმობს, რომ საქვეს გვაქვს სახელმწიფოთა კონფედერაციებთან. ხოლო რომელიმე დაწესებულებების იურიდიული ბუნების განსაზღვრისათვის საჭიროა ისეთი სახელის მოძებნა, რომელიც გარეგნულად კი არ მორთავს მას, არამედ გამოაცხადებს მის შინაგან აგებულებას. ამ უკანასკნელის მიხედვით უნდა გადაწყვიტოთ, თუ რომელ კატეგორიაში

მოვთავსოთ ეს თუ ის დაწესებულება. ჩვენი პროექტის დებულებანი სახსებით ამართლებენ მის სახელს, რადგან აქ არსებითად სახელმწიფოთა კონფედერაციაა წარმოდგენილი.

მაშასადამე თავისთავად ისმება საკითხი, თუ რაა კონფედერაცია? ესაა სუვერენულ სახელმწიფოთა საერთაშორისო შეკავშირება, რომელსაც დასახული აქვს განსაკუთრებული მიზანი და აღჭურვილია საერთო ორგანოებით.

გნახოთ რამდენად შეესაბამება ასეთი განსაზღვრა ჩვენს წინაშე მდებარე პროექტს.

1. კონფედერაცია არის საერთაშორისო შეკავშირება სუვერენულ სახელმწიფოთა. შეკავშირებულ სახელმწიფოთ შენარჩუნებული აქვთ თავიანთი სუვერენობა. სახელმწიფოთ სდებენ ურთიერთს შორის პაქტს, ხოლო უარს არ ამბობენ არც თავის სახელმწიფოებრივობაზე და არც დამოუკიდებლობაზე. კავკასიის კონფედერაციის პაქტის პირველი მუხლი გადაკრით აცხადებს, რომ წევრ-სახელმწიფოებს სრულად და სახსებით რჩებათ სუვერენობა. კონფედერაციაში შესულ სახელმწიფოთა სუვერენობის შენარჩუნებისაგან წარმოსდგება მნიშვნელოვანი შედეგი.

საერთო ორგანოში ყოველი გადაწყვეტილება შეიძლება მიღებულ იქნას მხოლოდ ერთხმად. შეუსაბამო აქ არაფერია. სუვერენული სახელმწიფოთ თვითაა თავის ბედის ბატონი. უცხო სახელმწიფოს არა შეუძლია რა დააკისროს მის დაუთანხმებლად. გადაწყვეტილებას რომ რაიმე ფასი ჰქონდეს, საჭი-

რთა მისი დასტური. რას ვკითხულობთ ამის შესახებ კავკასიის პაქტში? მეფერთმეტე მუხლის მეოთხე პ. გვეუბნება: «სახელმწიფოთა საბჭოს გადაწყვეტილება უნდა იქნეს მიღებული ერთხმად».

მეორე შედეგი კონფედერაციაში შესულ სახელმწიფოთა სუვერენობის: პაქტი, როგორც ვთქვით უკვე, საერთაშორისო შეთანხმებაა. ხოლო საერთაშორისო უფლების პრინციპი მოითხოვს, რომ საერთაშორისო ხელშეკრულობის შეცვლა არ შეიძლება, თუ არა იმათი თანხმობით, ვინც ეს ხელშეკრულება დასდევს. კონფედერაციების პაქტებშიაც არავითარი ცვლილების შეტანა არ შეიძლება, თუ ამის თანხმობა არაა კონფედერაციაში შემავალ სახელმწიფოებისა. ამას ეხება კავკასიის კონფედერაციის პაქტის მე-16 მუხლი.

უნდა აღინიშნოს აგრეთვე, რომ რადგან კონფედერაციაში შესულ სახელმწიფოებს შენარჩუნებული აქვთ სუვერენობა. მათ თავისუფლად შეუძლიათ გავიდნენ კავშირიდან. ეს უდავო უფლებაა მათი. ერთ-ერთ ჩვენს ახლობელ წერილში დაწვრილებით შევეხებოთ ამ საგანს. ახლა ვიტყვით მხოლოდ, რომ ეს უფლება აუცილებლად იგულისხმება, კიდევ რომ არ იყოს პაქტში სახელდობრ მოხსენებული. კავკასიის პაქტიც სდუმს ამის თაობაზე, მაგრამ ექვს გარეშეა, რომ კავკასიის კონფედერაციაში შემავალ სახელმწიფოებს რჩებათ კავშირიდან გასვლის სრული უფლება.

2. კონფედერაცია არსდება განსაკუთრებული მიზნისთვის. რა არის ეს მიზანი? საერთო თავდაცვა გარეშე თავდასხმისაგან. სახელმწიფოები, რომლებიც გრძნობენ, რომ ცალცალკე ვერ წინააღმდეგებიან გარეშე მტერს.—კავშირდებიან, რომ ერთად მოიგერიონ მოწინააღმდეგე. ეს პაქტში პირდაპირ გამოთქმული არაა, მაგრამ გამოდინარეობს იმ ფაქტისაგან. რომ საგარეო სახელო (საგარეო საქმეთა გამგებლობა) ეკუთვნის ცენტრალურ ორგანოს. მხოლოდ ამ უკანასკნელს აქვს მინიჭებული კონფედერაციის სახელმწიფოების წარმომადგენლობა უცხოეთში—შეკრას კავშირები და მშვიდობიანობის ხელშეკრულობანი და გამოაცხადოს ომი. ეს სამი საგანი იმყოფება ცენტრალურ ორგანოს სრულ გამგებლობაში. მაგრამ არასოდეს უნდა დავივიწყოთ, რომ ეს კონფედერაციაში შემავალ სახელმწიფოების თავისუფალ ნებისყოფით ხდება და სრულებით არ ასუსტებს მათ სუვერენობას. კავკასიის კონფედერაციის პაქტის პროექტში ეს უფლება გარკვეულია მე-2 და 4 მუხლებში.

3. კონფედერაცია აღჭურვილია საერთო ორგანიზაციით. ცენტრალურ ორგანოს არსებას შეადგენს ის, თუ რა ვალდებულება აქვს დაკისრებული მას კონფედერაციის მიერ. უნდა იყოს ცენტრალური ორგანო, რომელიც შესძლებს დავალების შესრულებას და განხორციელებას. ხოლო იგი უნდა მომდინარეობდეს შემადგენელ სახელმწიფოებისაგან, იყოს მათი გამოხატულება. იგი არასოდეს დამოუკიდებელი არ უნდა იყოს იმათგან, რადგან მათი შედგენილია. უმეტეს შემთხვევაში ცენტრალური ორგანო შესდგება ამ სახელმწიფოების წარმომადგენლებისაგან, უკანასკნელნი ემორჩილებიან თავიანთ მთავრობების ინსტრუქციებს და მათ გადაწყვეტილებას ხშირად ესაპირობება დასტური იმ სახელმწიფოთა, რომელთა დელეგატები ისინი არიან. ასეთია სწორედ ცენტრალური ხელისუფლება კავკასიის პაქტში. მთავარი ორგანოა სახელმწიფოთა საბჭო, რომელიც შესდგება კონფედერაციაში შესულ სახელმწიფოთა თითოეულ მთავრობის სამსამი დელეგატისაგან (მე-11 მუხლი). არსებობს აგრეთვე მუდმივი სამდივნო და კონფედერაციო სასამართლო. ეს სრულიად ახალი და კარგი რამაა შეტანილი პროექტში და ამაზე ცალკე ვილაპარაკებთ ქვემოთ.

აღვნიშნავთ დასასრულ, რომ სახელმწიფოთა საბჭოს გადაწყვეტილების შემსრულებელნი არიან კონფედერაციაში შესული სახელმწიფოები (მუხ. 4). კონფედერაციას არ მოეპოვება აღმასრულებელი უფლება.

ხემა განხილულიდან ცხადად სჩანს, რომ ჩვენს წინაშე სახელმწიფოთა კონფედერაციაა. სომხეთი, აზერბეიჯანი, ჩრდილო კავკასია და საქართველო სდებენ ხსენებულ პაქტს, მაგრამ არ ჰკარგავენ თავიანთ სუვერენობას და არც დამოუკიდებელ სახელმწიფოთა თვისებას. მხოლოდ ისინი უარს ამბობენ სუვერენობის ზოგიერთ უფლებასზე. რომელთაც გადასცემენ მათ წარმომადგენელ, საერთო ორგანოს. ეს საპირობა უზრუნველსაყოფელად საგარეო თავდასხმის წინააღმდეგ.

საკმარისია თუ არა ესეთი კავშირი მსგავსი უშიშროების მოსაპოვებლად? ეს სხვა საკითხია, რომელსაც აქ ვერ შევეხებით. მართალია, ყოველ კონფედერაციას, რა სახისაც არ უნდა იყოს, ახასიათებს ის, რომ სიმტკიცე აკლია, მაგრამ უდავოა, რომ განხილული პაქტი დიდი ნაბიჯია კავკასიის ერების ერთმანეთთან დასახლოვებლად და იგი დიდს სამსახურს გაუწევს მათ საერთო კეთილდღეობას.

მ. მ.

ს ა ქ ა რ თ ვ ე ლ ო მ ს ო ფ ლ ი ო ს წ ი ნ ა ზ ი \* )

ქართველი ერი—ერთი რუსეთის მიერ დამონებული კავკასიელ გმირულ ერთგანი—კვლავ მოითხოვს თავის ადგილს ნაციათა ლიგაში. მოითხოვს იმტომაც, რომ საუკუნეთა განმავლობაში შეადგენ-

და სუვერენულ სახელმწიფოს, რომლის დამოუკიდებლობა ძალით იყო მოსპობილი; მოითხოვს ამას ერთა თვითგამორკვევის ძალითაც და ეს ხომ მიღებულია უდავოდ, თუმცა არა ყველასათვის, იმ ხელშეკრულობებში, რომელთაც მოაწესრიგეს გერმანიის, ავსტრიის და რუსეთის იმპერიების დამხობისაგან აღმოცენებულ სახელმწიფოთა საერთაშორისო მდგომარეობა.

რუს მეფეთა ტახტის დაქცევის შედეგი იყო რამ-

\*) ეს წერილი დაბეჭდილი იყო ვაგლენიან და სანხევროდ ოფიციალურ ფრანგულ ჟურნალის «La revue diplomatique»-ის ამაწლის თებერვლის №-ში. მისი ავტორია ემილ დე ფრემერი.



დენისამე. პატარა სახელმწიფოს განთავისუფლება, რომელთა დამოუკიდებლობა წინაღობა მხოლოდ ბელმა გააუქმა; ხოლო ზოგიერთები — უკრაინა, საქართველო, ადერბეიჯანი, სომხეთი, დროებით განთავისუფლებულნი. უარეს მონობაში ჩავარდნენ.

ჩვენ გვინდა დღეს მარტო საქართველოს მდგომარეობა განვიხილოთ საერთაშორისო უფლების თვალსაზრისით.

აღარ გამოვუდგებით შორეულ ამბებს და ვავიხსენებთ მხოლოდ, რომ საქართველომ, დაუძღვრებულმა განუწყვეტელი ომებით სპარსელებისა და ოსმალების წინააღმდეგ, მე-18 საუკ. ბოლოს მფარველობისა და კავშირის ხელშეკრულება დასდგარუსეთთან. ამ დიპლომატიურს აქტს ხელი მოაწერეს 1783 წ. ივლისის 24 რუსეთის იმპერატორსამ ეკატერინე მეორემ და საქართველოს მეფემ ერეკლე მეორემ. მაგრამ ხელშეკრულება უსინდისოდ იქნა მალე ფეხით გათელილი: 1801 წ. სექტემბრის 12 იმპერატორმა ალექსანდრე I გამოაცხადა საქართველოს რუსეთთან შეერთება. ყველამ უწყის, თუ რა გააფთრებით იბრძოდა საქართველო თავისუფლების დასაბრუნებლად. მისი თავგამოდებული წინააღმდეგობა არ შეჩერებულა მთელი საუკუნის განმავლობაში.

1801 წელს შექმნილმა ძალმომრეობამ გამოიწვია პროტესტი საფრანგეთისა და ინგლისის მხრით. და სხვათა შორის ქართველებმა თავის უფლებათა დაცვა სთხოვეს 1897 წ. პაავის კონფერენციას.

რუსეთის დამხობამ საშუალება მისცა დაჩაგრულ ერს, კვლავ ამოეღო ხმა. ეროვნულმა საბჭომ 1918 წ. 26 მაისს გამოაცხადა საქართველოს დამოუკიდებლობის აღდგენა, რაც დაადასტურა დამფუძნებელმა კრებამ 1919 წ. მარტის 12. ვერსალის კონფერენციის უმაღლესმა საბჭომ 11 ივნისის 1920 წ. საქართველოს რესპუბლიკა იცნო ფაქტიურად, ხოლო შემდეგი წლის 27 იანვარს დე-იურე. საფრანგეთის მთავრობის და უმაღლესი საბჭოს თავმჯდომარემ ბრიანმა, აუწყა რა ეს გადაწყვეტილება საქართველო საგარეო საქმეთა მინისტრს გეგეკუორს, უთხრა: «მოკავშირე სახელმწიფოთა ბედნიერნი არიან, რომ შეუძლიათ კვლავ გამოუცხადონ თავისი თანაგრძნობა ქართველ ერს დამოუკიდებლობის მისწრაფებისათვის, და პატივისცემა უკვე შესრულებულ მიღწევებისათვის».

უმაღლეს საბჭოს ხუთ სახელმწიფოს (საფრანგეთი, ინგლისი, იტალია, ბელგია და იაპონია) გარდა, საქართველოს დამოუკიდებლობა სხვა ბევრმა სახელმწიფომ იცნო დე-იურე და მათ რიცხვში პირველნი იყვნენ პოლონეთი და რუმინია. რუსეთმა პირველმა იცნო დე-იურე 1920 წ. მაისის 7 ხელშეკრულებით, სადაც ნათქვამია, რომ რუსეთი სრული ნებით აღიარებს საქართველოს დამოუკიდებლობას და სუვერენობას და უარს ამბობს ყოველ უფლებაზე ქართველი ერისა და საქართველოს ტერიტორიის შესახებ.

მიუხედავად ასეთი განცხადებისა, რუსეთმა ფეხით გასთელა თავისი პირობა და 1921 წ. თებერვლის 11 შეესია ვერავულად საქართველოს და თუმცა ქართველებმა ხუთი კვირის განმავლობაში სასტიკი

წინააღმდეგობა გაუწიეს, მთლად დაიკავა მათი მიწა-წყალი.

უფლების ასეთმა აშკარა ძალადობამ მთელი ქვეყნის აღშფოთება გამოიწვია. პირველი პროტესტი გამოაცხადა პარიზის ქალაქის საბჭომ დეპუტატ ბრიუნეს მეთაურობით.

1921 წ. თებერვლის 25 საქართველოს ელჩმა საფრანგეთში თავის რწმუნებულობის ქალაქები წარუდგინა რესპუბლიკის პრეზიდენტს მილიერანს. ამის შემდეგ საქართველოს ლეგაცია (საელჩო) წესიერად არსებობს პარიზში. ეს გარემოება საქმალდ მხგვენებელია იმის, რომ საფრანგეთი არ ცნობს საქართველოს ოკუპაციის საბჭოთა ჯარების მიერ.

გარდა ამისა განვიხილოთ კარგად მთავრობის თავმჯდომარის პერიოს დეპუტის სიტყვები, რომლითაც მან 1924 წ. ოქტომბრის 28 იცნო დე-იურე საბჭოთა კავშირის მთავრობა. აქ არის სახვადო რეზერვი (ვცნობილობთ დე-იურე მთავრობას ყოფილი რუსეთის იმ ტერიტორიაზე, სადაც მისი ძალაუფლება მიღებულია მკვიდრთა მიერ) და სპეციალურიც საქართველოსა და ბესარაბიის შესახებ, როდესაც ნათქვამია, რომ «ამ ცნობას არ შეუძლია რაიმე დაზიანება მიაყენოს წინაღ მიღებულ ვალდებულებათო».

გენუის კონფერენციაზე საბჭოებს უნდოდათ, რომ ისინი ყოფილიყვნენ წარმომადგენელნი არა მარტო რუსეთისა, არამედ მის ოკუპაციის ქვეშ მყოფ სახელმწიფოებისაც. ესეთი მოთხოვნა უკუგდებულ იქმნა საფრანგეთის დეპუტატის უტრეის მიერ, რომელმაც ასეთი კითხვა დაუსვა პუანკარეს: «საბჭოებს პრეტენზია აქვთ რუსეთის დღევანდების სიას დაუმატონ კიდევ სხვა დღევანდები ვითარცა წარმომადგენელნი კავკასიის სახელმწიფოების, იმ მოსაზრებით, რომ ეს სახელმწიფოები მათ დაიკავეს». მთავრობის თავმჯდომარემ ამას გადაჭრილი პასუხი გასცა: «რაკი დე-იურე ცნობილი საქართველო არაა დაშვებული კონფერენციაზე, მით უფრო შეუძლებელია რუსეთს მიეცეს უფლება იმ სახელმწიფოთა წარმომადგენლობისა, რომელთაც შეესია და ძალმომრეობით დაიკავა».

ე. პერიომ მთელი თავის მკვერმეტყველობით დაიცვა ქართველები: «საქართველოს სუვერენობა ფორმალურად იყო ცნობილი მოკავშირე სახელმწიფოების მიერ, იგი იცნო სრულიად გარკვეული ხელშეკრულებით რუსეთმაც. ვთხოვ მთავრობის თავმჯდომარეს კეთილ ინებოს და გამოაცხადოს, რომ მისი მთავრობა კვლავინდებურად მხარს უჭერს ამ დამოუკიდებლობას. ამის თქმა საფრანგეთის მხრით, რომელიც იცავდა პოლონეთის და ჩეხოსლოვაკიის დამოუკიდებლობას, იმედს განუშტკიცებს დაჩაგრულ ერს». პუანკარემ უპასუხა: «პატივცემულმა პერიომ თვითონ გამოუსტქვა მთავრობის აზრი, რომელიც არა ერთხელ გამოვითქვამს საქართველოს სახელმწიფოს მიმართ. უკანასკნელს ჰყავს თავისი წარმომადგენელი პარიზში და მისთვის ღიაა ჩვენი საგარეო საქმეთა სამინისტროს კარები».

ორი თვის შემდეგ საკითხი ხელახლა აღიძრა დეპუტატთა პალატაში. მთავრობის თავმჯდომარემ,

საფრანგეთის დელეგაციის თავმჯდომარის ბარტუს-თვის მიცემულ ინსტრუქციაში გარკვევით განმარტა, რომ მოსკოვის დელეგატები და არც მოსკოვის მთავრობის აგენტები ტფილისში, არ უნდა ყოფილიყვნენ მიღებულნი საქართველოს წარმომადგენლებად. ამიტომაც ამაოდ ჩაუარა ჩიხერინს ყოველივე ცდამ, რომ საქართველოს სახელითაც ელაპარაკნა. ეს ინსტრუქცია პუანკარემ წაიკითხა პალატაში და სთქვა: «საფრანგეთის მთავრობას, რომელმაც თავის მოკავშირეებთან ერთად იცნო დე-იურე საქართველოს წინანდელი მთავრობა, არ შეუძლია დღეს რაიმე მოლაპარაკება გამართოს საქართველოს საკითხის შესახებ ფაქტიურ ძალაუფლების წარმომადგენლებთან, რომელმაც საქართველოდან გამოაძევა მისი წესიერი მთავრობა».

ლოზანის კონფერენციაზე (1922-23 წლ.) რუსეთის დელეგაციამ განაახლა თავისი ცდა, მაგრამ უშედეგოა. კიდევ მეტი: რუსეთის დელეგაციის მოთხოვნით კონფერენციის პროტოკოლებში მოხსენებულ იქმნა საქართველო და უკრაინა. კონფერენციის მთავარმა მდივანმა მასილიმ 1922 წ. დეკემბრის 22 მისწერა რუსეთის დელეგაციის მდივანს საბანინს: «თუ თქვენი დელეგატების გვარებს თან მისდევს «რუსეთი», ეს იმიტომ, რომ ოფიციალურად მარტო რუსეთია მოწვეული კონფერენციაზე. ხლო კონფერენციის თავმჯდომარეებთან მოლაპარაკების შემდეგ მაქვს პატივი გაუწყოთ, რომ ანგარიში გაეწევა თქვენს სურვილს, მაგრამ ამავე დროს პროტოკოლების სა-

ბოლო ტექსტში სიტყვა «რუსეთის» მაგიერ შეტანა სიტყვების «რუსეთი, უკრაინა და საქართველო» არავითარ შემთხვევაში არ იგულისხმებს, რომ უკრაინა და საქართველო კონფერენციაზე წესიერად არიან წარმოდგენილნი».

ასე იყო დაცული უდავო უფლებები უკრაინისა და საქართველოსი, ორ მამაც ერისა, რომლებიც ერთხელ აღსდგნენ და აღარ უნდათ კვლავ იქნენ დასაფლავებულნი საბჭოების მიერ. მათ აქვთ უფლება დამოუკიდებლობისა, თუმცა მათი მდგომარეობა განსხვავდა ფინლანდიის, ესტონეთის, ლეტონიის და ლიტვის მდგომარეობისაგან. ეროვნული სული მარადიულია და აღრე თუ გვიან ამოძრავდება.

საქართველოს, რომლის საქმეს იცავდნ ისეთი ადამიანები, როგორც პუანკარე, ჰერიო, უტრეი, გამოესარჩლა ენენავაში საფრანგეთის ყველაზე უმჯერმეტყველესი ხმა პოლბონკურისა.

საფრანგეთის წარმომადგენლის პოლ-ბონკურის ინიციატივით, ნაციონალიზმის მეხუთე საერთო კრება 1924 წ. კვლავ შეეცა საქართველოს საკითხს და ერთხმად მიიღო საფრანგეთის, ინგლისის და ბელგიის შემოტანილი რეზოლიუცია საქართველოს საკითხის ვადაპრისათვის ხელის შესაწყობად.

ნაციონალიზმის ვალია, დაუბრუნოს სიცოცხლე საქართველოს და უკრაინას. მათი კეთილშობილური და ღირსებიანი წარსული ავალებს მთელს განათლებულს კაცობრიობას, რომ დასრულდეს მათი აწინდელი ტანჯვა.

**ჰიტლერი და რასისტული მოქრობა**

(გერმანიის საპრეზიდენტო არჩევნების გამო)

გერმანიის საპრეზიდენტო არჩევნები დიდ პოლიტიკურ დავას და საზოგადოებრივ ძალთა დუღილს იწვევს არა მარტო გერმანიაში; ამ არჩევნებს დიდის ინტერესით და გასაგები მოუთმენლობით, თუ გნებავთ ერთგვარი შიშით, თვალყურს ადევნებს მთელი ქვეყანა. მართლაც, საკითხი ენება არა მარტო ამა თუ იმ პირის არჩევას, რომელსაც ცუდათ თუ უკეთ შეუძლია ქვეყნის ბედის წარმართვა და რომელიც მისცემს მართველობას ამა თუ იმ ტენდენციას. არა, დღეს გერმანიაში ამ საპრეზიდენტო არჩევნებში ისმება საკითხი რეჟიმის, არსებული ვეიმარის კონსტიტუციის შენახვის თუ დამხობის შესახებ. ამის გამო გერმანია ორ ბანაკათ გაიყო: ერთი ბანაკი არსებულ რეჟიმის დასაცავათ ირახმება, მეორე კი არსებითად ამ რეჟიმის დასანგრევათ მოსვლას აპირებს. და დახეთ ბედს, ძველი მარშალი, ესლანდელი პრეზიდენტი ჰინდენბურგი ვახდა ის პირი, რომლის გარშემო იკრიბებიან არსებული კონსტიტუციის დამცველი საზოგადოებრივი ძალები. გერმანიის ს. დემოკრატია, რომელიც წინა საპარლამენტო არჩევნებში ჰინდენბურგს ებრძოდა, დღეს მის საპრეზიდენტო პოსტზე აყვანას ესარჩლება და ხელს უწყობს. ის თავის საარჩევნო მანიფესტში მოუწოდებს ამრჩევლებს და თავის წევრებს, ხმა მისცენ

ჰინდენბურგს, რომ ამით გზა შეუკრან ჰიტლერის გამარჯვებას.

ეს ჰიტლერი, რომელიც დღეს ასე გაბედულათ ეცილება ჰინდენბურგს, არის მეთაური და შემქნელი იმ ძალის, რომელსაც გამზადებული აქვს მუშტი რესპუბლიკანურ რეჟიმის დასამხობათ, ეს ძალა—რასისტული მოძრაობაა. გერმანიის ხალხის ზოგი წრეების ნაციონალისტური სულიერი განწყობილების გამომხატულებია, რომელიც თანდათანობით შეიკრა. გარკვეულ ორგანიზაციულ ფორმებში მოთავსდა და ნაციონალისტურ-სოციალისტური პარტიის სახელწოდება მიიღო.

გერმანიის ერი დღეს დიდ გასაქირშია. მსოფლიო კრიზისი, რომელიც კაი ხანია საზოგადოთ ყველა ქვეყანას მოედო, განსაკუთრებით სიძლიერით თავს დაატყდა გერმანიას. რომლის ეკონომიურ-სოციალური საფუძველი ამის გამო მთლათ აინგრა და აიშალა. გერმანიის ცხოვრების ყველა მცოდნე თუ მეთვალყურე ამოწმებს, რომ გერმანიის ერის კეთილდევობა შერყეულია, მისი სხეულის სოციალური ფენები მისი ქერქიდან ამოგდებულია. ერი წინეთ მდიდარი, მშრომელი, მუყაითი და კეთილცხოვრებას შეჩვეული, დღეს ისე დაცემულია, რომ გერმანიის ყველა დიდ ქალაქებში ათასობით გადა-



ეყრებით მათხვარებს, ქუჩებში მოხეტიალეთ, რომლებიც მოუტირდებლათ ხელს გიწვდიან და პურს და შველას გთხოვენ. ეკონომიური დეპრესია ღრმად და ფართოდ გამდგარია გერმანიის სახალხო მეურნეობაში. უკვე ის ფაქტი, რომ გერმანიის სახელმწიფო სალარო იძულებულია წლობით ყოველდღე სახელმწიფო ულუფა აძლიოს ექვს მილიონ უმუშევართ, ნათლად მოგვითხრობს იმ მწარე ბედს, რომელიც თავს დასტყვია. გერმანიაში დღეს ბევრი ქარხანა-ფაბრიკები იკეტება, ბანკები იხურება, ვაჭრობა ეცემა, უმუშევართა ჯარს ახალ-ახალი ნაწილები ემატება. გაქვივრებული ხალხი, თავის ბუდიდან ამოვადებული სოციალური ძალები დრტინავენ, აქეთ-იქით ეხეტებინან. თავბრუდახვეული გამოსავალს დაეძებენ. აი აქ, ამ წრეში ჩაისახა რასისტული მოძრაობა, აქ, ამ წრეების ნატურის, წუხილის, გაქვივრების, მოთხოვნის, გაურკვეველი განცდების ფილოსოფიაა ის ოთხი ძირითადი საფუძველი, რომელიც ახასიათებს ამ მოძრაობას. ბრძოლა ებრაელების, უცხოელების, მარქსისტების და კაპიტალიზმის წინააღმდეგ, აი მათ პროგრამის ოთხ პუნქტში მოცემულია გასაღები გერმანიის ვითარების გასაგებათ და იმ მიზნის, რომელიც ამ მოძრაობას დაუსახავს შინ და გარეთ.

იმ კონსტიტუციაში, რომელმაც უნდა შესცვალოს, რასისტების აზრით, ეხლანდელი კონსტიტუცია, სხვათა შორის, არის მუხლი. სადაც განსაზღვრულია, თუ ვის შეუძლია იყოს «მესამე რაიხის» მოქალაქე. «გერმანიის მოქალაქე არის ის ადამიანი, რომლის ძარღვებში გერმანული სისხლი სჩქვფს, რადგან ებრაელები გერმანულ რასას არ ეკუთვნიან, მათ არ შეუძლიათ იყვნენ გერმანიის მოქალაქენი».

მართალია, ამბობს ერთი რასიზმის იდეოლოგი, ებრაელი ადამიანია, მარა იმდენათ, რამდენათ მგელი ცხოველია. როგორც მგელის სხვა ცხოველებთან დაბინავება არ შეიძლება, მაგ. ცხვრებთან, ისე შეუძლებელია ებრაელის მოქალაქეთ ჩარიცხვა. გაკოტრებული წვრილი ვაჭარი, მთელენტი, წვრილი მესაკუთრე ამ პარტიის სახით ცხთ ერეკებიან გერმანიის ტერიტორიის საარსებო მოედნიდან.

გერმანია ეკუთვნის და უნდა ეკუთვნოდეს წმინდა გერმანელებს. აქ ხელის შემშლელი, ყველა გერმანელთა ერთობის და უნიფიკაციის მოწინააღმდეგე. გარდა ვერსალის ტრაქტატის და მაშასადამე საფრანგეთის, არის კაპიტალიზმი და კაპიტალიზმი ინტერნაციონალური-უმთავრესად ებრაელური. ამიტომ მათი პროგრამის თეორიული კონცეპცია, ისეთივეთ პროგრამის მოთხოვნილება მოუტირდებლათ და პირდაპირ თავს ესხმის კაპიტალიზმს, დიდ ტრესტებს და ყოველგვარ დიდ ანონიმურ ინდუსტრიულ საზოგადოებებს. ნაც. სოც. პარტიის პროგრამა მოითხოვს, რომ «უნდა მოსპობილ იქნას ყოველგვარი შემოსავალი, რომელიც არ არის აღმოცენებული შრომასა და მუშაობაზე». თუ ინტერნაციონალური, ებრაული კაპიტალი დამგრევი ძალაა, რომელიც სპობს და ანგრევეს წვრილ მესაკუთრეთა ქონებას, არის კაპიტალი ნაციონალური, რომლის ვალია ერის საშვალა და პატარა მესაკუთრე-

თა ქონება და წარმოება გაამაგროს, მათ დახმარება გაუწიოს, მათ შოვლაზე იზრუნოს. ყველას ვალდებულებაა იზრუმოს, ყველას აქვს შრომის უფლება (რასაკვირველია, წმინდა სისხლის გერმანელს!) მაშასადამე საქროა ეკონომიური წყობის ისეთი რეორგანიზაცია, რომელიც ნაციონალური კაპიტალის ამშენებელ როლის, ერთის მხრივ, და შრომის უფლების გატარების საქროებას, მეორე მხრივ, მოაწყობს და შეათავსებს. ამ დიდი მიზნის მისაღწევათ ისტორიამ გამოიწვია რასისტული მოძრაობა, შექმნა ნაც. სოც. პარტია: მაშ მათი სამღვთო ვალია მართველობის სადავე თუ გინდ ძალით ხელში აიღონ, ნაციონალურ შემოქმედებას გზა გაუხსნან და შექმნან პირობები საბრძოლველათ შინ და გარეთ.

ერთი არსებითი პირობა ამოცანის შესრულების გასაადვილებლათ არის რესპუბლიკანური რეჟიმის დაცემა, ვეიმარის კონსტიტუციის მოსპობა და მართველობის პერსონიფიკაცია—დიქტატურა. მათი აზრით ასეთი დიქტატურა წარმოშობით არის კოლექტიური, თუ გნებავთ დემოკრატიული, რადგან ერის არსებობის და განვითარების ინტერესები და მისი კოლექტიური ნება ქმნის დიქტატურას, აყენებს დიქტატორს.

თუ შიგნით რასიზმი ნაციონალისტური რეჟიციაა, რესპუბლიკანური რეჟიმის მტერია, თუ მას აქ. თავის პროგრამაში ხელოვნურათ შეზავებული აქვს ნაციონალისტური დემაგოგია სოციალურ ეკონომიურ უტოპიასთან, საგარეო პოლიტიკის სფეროში ეს მოძრაობა გარკვეულ მიზანს ისახავს, გაბედულათ მას ამჟღავნებს და მთელ გერმანიას აქეთ, ამ ბრძოლისაკენ იხმობს და ამზადებს. გერმანია დაჩაგრული, უფლება აყრილი სახელმწიფოა.—ამბობენ რასიზმის იდეოლოგები—მთელი ის გაქვივრება, რომელშიდაც ის დღეს ჩავარდნილია, არის შედეგი ვერსალის ხელშეკრულობის, ჩვენი ეკონომიური კრიზისის სათავე აქ სძევს; აქ. ამ ტრაქტატში ფრანგების ხელით გაიქვდა ის ჯაჭვი, რომელიც ვაგბრ-ჩობს, ვეიკრავს ხელფფხს, გვტაცებს ლუკმა-პურს, ასაზრდოებს უმუშევრობას, გვხდის მონებათ. «გერმანია აღსდქეი, ადღვიძეი».—გაჰყვირიან ამ პარტიის აგიტატორები. რისთვის? უსდა დაიხეს ვერსალის ტრაქტატი, უნდა აღსდგეს დიდი გერმანია! «ჩვენ ვთხოულობთ გერმანიისათვის ისეთსავე უფლებებს, რომელთაც სარგებლობენ ყველა დანარჩენი ერები. ჩვენ მოვიტხოვთ ვერსალის და სენ-ჟერმენის ხელშეკრულებების გაუქმებას»—სწერია ნ. ს. პარტიის პროგრამაში. პიტლერი სწერს: «უნდა იცოდეს ყველამ, რომ ჩვენი ერის დაუძინებელი მტერი საფრანგეთია. ჩვენ სამკვდრო-სასიცოცხლო ბრძოლაში უნდა შევებათ მას... და მხოლოდ მისი დამარცხების შემდეგ გერმანიას გზა გაეხსნება თავისუფალი განვითარებისაკენ».

როგორც ვხედავთ, ის ომის პარტიაა შინ და გარეთაც, ამას არც კი მალავს. ამაზე ის სწერს და ჰყვირის. შინ ეს პარტია ყოველი საშვალეობით, რევოლუციური შეთქმულობით იწევს სახელმწიფოს სადავეს ხელში ასაღებათ.

ასე ამ რიგათ, გარკვეულ ისტორიულ ვითარე-



ბაში, გარკვეულ წრეში ჩაისახა და განვითარდა რასისტული მოძრაობა. თუ 1928 წ. ამ მოძრაობას წარმოადგენდა 12 დეპუტატი, 1930 წ. ნაც. სოც. პარტიამ იქ წარგზავნა 107 დეპ. დღეს პარტიის რიგებში 900.000 წევრი ირიცხება. ზრდა უჩვეულო, საოცარია. პარტიის ორგანიზაციის წყობა ვითარდება სხვადასხვა მიმართულებით, მარა ყველა ეს ორგანიზაციული ფორმაციები თავს იყრის ერთ ცენტრში რომლის სათავეში სდგას ყველას მიერ უდავო ხელმძღვანელათ ცნობილი ჰიტლერი: ის დიქტატორია. დეკრეტების და ბრძანებების მომცემი; მის გვერდით არსებობს შტაბი. რომლის ამოცანაა საკითხების დამუშავება. გეგმების დაწყოება, მდგომარეობის დაფასება. იმფორმაციის აკრეფა. მაგრამ დასკვნას აკეთებს ჰიტლერი. განკარგულებას იძლევა მხოლოდ ის.

პირველი შეხედვით ის კაცი, რომელმაც შექმნა ასეთი დიდი მოძრაობა, თითქოს არ იძლევა არავითარ განსაკუთრებულ შთაბეჭდილებას. მისი ტანის ასპექტი მეტათ ბანალურია, მისი ტანის ხაზები სადა და უსიტყვოა. ის უფრო მოგაგონებს ლუდხანის უბრალო მოსამსახურეს, ვინემ შეფს იმ მოძრაობისა, რომლის ასეთი უცაბედი ზრდა ეშუქრება გერმანიის რესპუბლიკანურ რეჟიმს და შეიძლება მსოფლიო მყუდროებას. მარა ვისაც უნახავს ჰიტლერი მოლაპარაკე, მომქმედი, ამოწმებს, რომ ის ტრიბუნაზე სრულიათ იცვლება: მისი თვალები ცეცხლს ყრის, მარა ამით მოცემული ბრწყინვალეობა ცივი და მკაც-

რია, ხმა თბილი, მოძრავი, რომლის ბგერა სასიამოვნო და მიმზიდველია. ის დიდი ორატორია, გერმანიისათვის უჩვეულო სახალხო ტრიბუნია. ჰიტლერი ათრობს მსმენელთ, ხიბლავს, აჯადოებს მათ, ისე რომ მათ სჯერათ ყველაფერი. რასაც ასე უხვათ და მოხდენილათ რაღაც განსაკუთრებულ ექსტაზით მსმენელთ უხატავს. «მე ვაარსებ მესამე რაიხს»—განცხადებს მისი მქუხარე ხმა, «მაშინ და მხოლოდ მაშინ გერმანიას დაიბრუნებს თავისუფლებას, გაიჩენს საზღვრებს». «Il fascine littéralement les foules»—ამბობს მის შესახებ ფრანგი კლოტ ჟანტეტი.

წინეთ სრულიათ უცნობი, გვარტომობით ავსტრიელი, დაბალი წრის შვილი, ხელობით მღებავი, დღეს ის გერმანიის პოლიტიკის მოედანზე გამოსულია, რომლის უკან 11 მილიონი ამრჩეველები სდგას. ამიტომ დღეს ჰიტლერი მოქმედებს და ლაპარაკობს როგორც გერმანიის მომავალი გამკითხავი, მისი მომავლის გამქედი. ამიტომაც, რომ ის ისე გაკადნიერდა, რომ ყველას წინააღმდეგ, ცნობილ ჰინდერბურგის გვერდით თვის კანდიდატს აყენებს, და როგორც ვიცით, ეს თვით ჰიტლერია. ჰიტლერი ფიქრობს, მას სჯერა, რომ დღეიდან ის იწყებს მსოფლიო ისტორიის ფურცლების შევსებას. ყოველ შემთხვევაში ბრძოლა დაწყებულია; ვინ გაიმარჯვებს. ჰინდენბურგი თუ ჰიტლერი?

ამ ბრძოლის დასკვნას მსოფლიო ხასიათის წონა ეძლევა.

კ. ქ—იე.

**კახკ. კონფედერაციის კონსტიტუციის პროექტის შესახებ \*)**

გამოქვეყნებული პროექტი მომავალ კონფედერაციისა მას პაქტს არქმევს. ჩემის აზრით არ აქვს დიდი მნიშვნელობა, თუ რა სახელით მოინათლება ის. მთავარია, თუ რა იქნება მისი შინაარსი, რომლისაგანაც დამოკიდებულია მიზნის მიღწევა: ოთხ ერთა კავშირით, ერთი მეორეს მეფებით თავის დაცვა, გამაგრება პოლიტიკურათ და ეკონომიურათ და ამავე დროს შენარჩუნება ეროვნულ—კულტურულ დამოუკიდებლობისა და თავისუფალ განვითარების, და სახელმწიფო სუვერენობის. მთლიანად და სავსებით ასეთი სურვილის განხორციელება, რა თქმა უნდა, შეუძლებელია. როცა ერთი ერი მეორეს დაეყრდნობა, დათმობაც აუცილებელია (განა არსებობს აბსოლიუტურათ დამოუკიდებელი სახელმწიფო?), მარა ეს ურთიერთობა ისეთი მინც უნდა იყოს, რომ ერმა არა თუ არ დაკარგოს, არამედ გარკვევით და ნაკლების სიძნელით მოახერხოს თა-

ვისი ეროვნული სახის დაცვა და შენახვა. ეს კი შესაძლებელია კონფედერაციის ფარგლებში უფრო ვინემ ფედერალურ კავშირში. ამ მხრით ის სრულიად მისაღებია.

პროექტი ერთობ მარტივია, და ეს არ არის მისი ნაკლი (ძირითადი დებულებების გამოთქმა ხშირათ ძნელია), პირიქით, რაც ის მოკლეთ, ნათლათ და მკაფიოთ არის განმარტებული, მით ის დადებითა და ეს მისი ღირსების ნიშანია. მარა «მოკლეთ თქმის» სურვილმა არ უნდა შეიწიროს შინაარსი, რის თქმაც უთუოთ წინდაწინ საჭიროა. ყველაფერი უნდა იყოს თავის დროზე გათვალისწინებული, რომ იქმდეში რაიმე დაბრკოლებას არ გადაეხეჩათ.

თავიდანვე უნდა აღვიარო, რომ საერთოთ და არსებითათ პროექტი მისაღებია. ხოლო ჩემის აზრით, არის საჭირო ცოტა რამეს დამატება, ზოგის განმარტება და შესწორებაც კი. რადგან მე იურისტობას არ ვიჩემებ, ამისათვის ჩემ მცირე შენიშვნას ექნება უფრო პოლიტიკური სიფრთხილისა და მითითების ხასიათი. რომელსაც უნდა მიექცეს ჯეროვანი ყურადღება მათ მიერ, ვინც ასეთი საკითხებში დახელოვნებულია და ვინაც უმდევს ისე უნდა გააშალაშინოს საგანი, რომ ის შეიქნეს მოსახმარი, პრაქტიკული და სავსებით გამოსადეგი; რომ ამგვა-

\*) როგორც გამოცხადებული გეგმონდა, რედაქცია დაბეჭდავს სხვადასხვა პირთა მოსაზრებათ კავკონფ. კონსტიტუციის პროექტის შესახებ და შემდეგ ყველას ერთად გავსცემთ პასუხს. აქ ვიტყვით მხოლოდ, რომ ბ. ანჟანის ზოგიერთი შენიშვნა გაუგებრობითაა გამოწვეული.

რედ.



რათ რომელიმე მუხლიდან არ გამოდიოდეს ისეთი დასკვნა, რომელსაც ესაუბრებოდეს რამდენიმე ახსნა-კომენტარი.

აი, ეს შენიშვნებიც, მიგვყვები მუხლობრივ.

1. რადგან ეს არსად არ არის აღნიშნული, მეორე მუხლში იქ, სადაც ნათქვამია, რომ «მხოლოდ კონფედ. აქვს უფლება გამოაცხადოს ომი», უნდა დაემატოს: «და აწარმოვოს. «შეკრას კავშირები» და სხვა. ვისთან? უნდა დაემატოს: უცხო სახელმწიფოებთან.

2. მესამე მუხლი—ჩემის ფიქრით—არ უნდა უკრძალავდეს წევრებს—სახელმწიფოებს ერთმანეთ შორის «ყოველივე კავშირს», რადგან არსებობს დასაშვები ხელშეკრულება. რომელიც ეხება განათლებას, ვაჭართა პატენტს, შრომის ორგანიზაციას, დამნაშევეთ ექსტრადიციას, მეორე სახელმწიფოს მოქალაქის ან უცხოელის გაძევებას და სხვადასხვა. თუ ეს არ მოგვარდა, საშიშია თბილისი არ გადაიქცეს რალაც ბაბილონის მსგავს რამეთ.

3. რაც შეეხება საკონფედერაციო სასამართლოს, აქ უთუოთ საჭიროა შესწორების შეტანა. არ ვიცი, რათ არის საჭირო სასამართლოს წევრების დანიშვნა «მთელი სიცოცხლით». ეს ზომა არ არის დემოკრატიული, არც პრაქტიკული და მუდმივი მოსამართლე არ წარმოადგენს—როგორც ამას პროექტის ავტორები ფიქრობენ ალბათ—იმის გარანტიას, რომ სამართალი იქნება კარგი და მიუდგომელი. რათ უნდა შევქნათ ისეთი პირობები, რომ ვერ შევსძლოთ თავიდან მოვიშოროთ რომელიმე მოსამართლეს, თუ ის გამოდგა უვარგისი და არასასურველი. ამას გარდა—დიდ ბოდიშს ვიხდი მომავალ მოსამართლესთან—ღრმად მოხუცებულ მოსამართლეს (და რა თქმა უნდა, ჩვენ მას უსურვებთ ხანგრძლივ სიცოცხლეს) კიდევ შეეძლება დაესწროს სასამართლოს სდომებს, მარა ველარ შეეძლება იქონიოს საკმაო ძალა და გამოქრიახობა მიიღოს აქტიური მონაწილეობა საკითხების გადაწყვეტაში და ასეთი მოსამართლი რას მოვიგებთ? მაშ, საკონფ. სასამართლოს წევრი უნდა იქმნეს არჩეული განსახლავრულ ვადით. რა თქმა უნდა შესაძლებელი იქნება მისი ხელახლა არჩევა.—ამას გარდა სამ მოსამართლეს უთუოთ უნდა ყავდეს ერთი ან ორი მოადგილე, როგორც ეს ყოველგან ხდება ხოლმე, რადგან იქნება შემთხვევა, როცა რომელიმე წევრს არ შეეძლება სდომაზე დასწრება სხვადასხვა მიზეზებისა ან ხანგრძლივი ავთამყოფობის გამო.

4. რაც შეეხება მე 13 მუხლის მეორე ნაწილს, სადაც ნათქვამია, რომ «ყოველივე დავას»... განიხილავს საკონფ. სასამართლო და რომ მისი დადგენილება სავალდებულოა ყველასათვის, უნდა აღვნიშნოთ, რომ ეს ადგილი ეწინააღმდეგება მერვე მუხლს, სადაც ლაპარაკია არბიტრაჟის შესახებ. მე ვფიქრობ, რომ დადგენილება იქნება სავალდებულო, თუ საკითხი სასამართლოში გადაწყდა ერთხმად, და თუ რომელიმე სახელმწიფო არ დარჩა კმაყოფილი სასამართლოს დადგენილებით, მას უნდა ქონდეს უფლება მიმართოს ან—ვთქვათ—ერთაღი-

ვის ან რომელიმე სხვაგვარ არბიტრაჟს, უკვე სავალდებულო.

5. ესლა მე იკითხულობ: შეუძლია თუ არა კონფედერაციის რომელიმე წევრს გამოვიდეს კონფედერაციიდან? ამის შესახებ არ არის რა კონსტიტუციის პროექტში. თუ ვინმეს ამის უფლება არ აქვს, მაშინ იმ შესავალში, რომელიც მიუძღვის პროექტს (და რომელიც სხვათა შორის უნდა გახდეს მუხლი პირველი) უნდა იყოს ნათქვამი, რომ პაქტი დადებულია სამუდამით. მე კი ვფიქრობ, რომ კონფედერაციიდან გამოსვლის შესაძლებლობა უნდა მიეცეს მის წევრს, თუ ამას სახელმწიფოთა საბჭო მიიღებს ერთხმად, და ეს უნდა იყოს მოხსენებული.

6. შესაძლოა კონფედერაციის შეთანხმებით დაშლა თუ არა? ეს საკითხი, მე ვფიქრობ, უნდა დარჩეს კონსტიტუციის გარეშე. რადგან კონფედერაციის გაქრობა მოხდება მხოლოდ force majeure ით, თუმცა ისტორიამ იცის ორი სახელმწიფოს განშორება თავისუფალ შეთანხმებით (შვეიცია და ნორვეგია).

7. შეიძლება თუ არა რომელიმე უღირსი წევრის კონფედერაციიდან გაძევება? აღიარებული ცოდვა ადვილათ მოსანანებელია და როგორც ვიცი, ისეთ ადგილას ვართ გახლართული, ისეთი მეზობლებით ვართ გარემოცული, რომ ინტრიგას ყოველთვის შეუძლია ქონდეს ადგილი და ვინ იცის, ერთ დღეს რა აზრი მოუვა თავში კონფ. წევრის რომელიმე მთავრობას. არის თუარა საჭირო ამის გათვალისწინება? ამაზე პასუხის მიცემას ვერ ვბედავ. ყოველ შემთხვევაში ეს საკითხი პროექტში ნუ იქნება, მარა შეიძლება მან ადგილი იპოვოს იქ, როცა ის პროექტი აღარ იქნება, არამედ მიღებული პაქტი.

8. და ბოლოს უნდა შევნიშნოთ, რომ პროექტი არ აღნიშნავს, თუ რა ენაზე ექნება მსჯელობა და საქმის წარმოება სახელმწიფოთ საბჭოს. საქმის წარმოება მოსახერხებელია ეროვნულ ყველა ენებზე, მარა ბუკობა?

რაც შეეხება პროექტის ტექსტს, რომელსაც ხელს მოაწერენ სახ. წარმომადგენელნი, ის იქნება შედგენილი ცნობილ დიპლომატიურ ენაზე, ფრანგულზე, რომელსაც თანვე ექნება დართული თარგმანი ოთხ ენაზე.

9. უკანასკნელი შენიშვნაც. მე ვფიქრობ, საჭიროა კონფედერაციის ყავდეს ფორმალურათ ერთი თავი. ამისთვის მეთერთმეტე მუხლში, სადაც ნათქვამია: «სახელმწიფოთა საბჭოში თითო წლით, მორიგეობით, თავმჯდომარეობს კონფედერაციაში შესულ თითოეულ სახელმწიფოს დელეგატი», უნდა დაერთოს: «რომელიც ამავე დროს ითვლება კონფედერაციის პრეზიდენტათ». ან შეიძლება ითქვას შეფათ, თუ რომელიმე წევრს—მაგ, მონაოქიულს (ყველაფერი დასაშვებია—რადგან შინაურ საქმეში ყველა სუვერენია) არ მოეწონება სიტყვა «პრეზიდენტი».

ანკანი.

საქართველოს მოქალაქეების მართლმადიდებელი ეკლესიის

სულ სხვა იყო დამასკო და მით უფრო ბაღდადი. იქ, წმიდა წყლის არაბები. მოქცეულ სირიელთა, სპარსთა და სისხლშერეულ ახალ არაბთა უმრავლესობასთან შედარებით, ერთ მუჟა ხალხს თუ შეადგენდნენ. ეს ხალხები კი გაუდნითილი იყვნენ დესპოტიზმის ტრადიციებით და ხალიფებს სრულს მორჩილებას აღუთქვამდნენ. ხალიფებიც უფრო და უფრო ეყრდნობოდნენ ამ მამებელ ქვეშევრდომთ. მათ რიგებში ირჩევდნენ კარისკაცებს, მოხელეებს და ბოლოს ჯარისკაცთაც. შეუთაცხვადილი და წყრომით აღვსილი ამაცი არაბები ნელ-ნელა დაუბრუნდნენ უდაბნოს, ხოლო მთავრობა ძველს აღმოსავლეთურ დესპოტიზმის მხანმარეულ კალაპოტში დგებოდა. როდესაც სახალიფო გადატანილ იქნა აბასიდთა დინასტიის გამეფების შემდეგ ბაღდადს, სპარსელებმა მოიპოვეს უდიდესი გავლენა. სახელოვანი ხალიფი ჰარუნ-ალ-რაშიდი, ათას ერთი ღამის გმირი, იყო აღმოსავლეთ ხელმწიფის ტიპი და ნამდვილი მეგვიდრე ქსერქსესისა და ხოსროსი, აბუბეკრისა და ომარის სრული წინააღმდეგობა. ბაღდადში, როგორც სხვაგანაც, დესპოტიზმი საბედისწერო აღმოჩნდა მათთვის, ვინც მას ჰქმნიდა. და მისმა დამლუპველმა გავლენამ ან უინიან მტარვალეზად ან ჰარამხანის გადაგვარებულ ტიკინებად გადაქცია მაჰმადის მეგვიდრენი, რომელთა სუსტი ხელი სრულებით უძლური ზყო დიდის მუსულმანურ იმპერიის მართვისათვის.

იმპერია ნელ-ნელა დაკუწმანდა. სამოქალაქო ომებით შერყეულს, მხნე წინამძღოლთ და უდაბნოს არაბთა განმამდიდრებელ შეუღლებას მოკლებულს პოლიტიკურ ერთობას აღარ შეეძლო ვადარჩენა. ყოველგან იწყო თავის ჩენა თემობრივმა და კუთხურმა განწყობილებამ, რომელიც ჩამქრალი იყო თითქო. თვით სისწრაფე, რომლითაც გავრცელდა ისლამი. ესლა, რა კი დაშრა ამ განდიდების მსახურდობელი წყაროები, მის საწინაღმდეგოდ შეტრიალდა. ისლამმა მოაქცია მრავალრიცხოვან ტომთა და რჯულთა მილიონები, მაგრამ მეტად სუსტი იყო მათი შეთვისტომება. მაჰმადმა ნამდვილად მოაქცია არაბეთი, ვინაიდან ის იყო იმ აზრთა მტარებელი. რომელიც უჩინრად მწიფდებოდა არაბის სულში და შეესაბამებოდა რასის თანდაყოლილ წადილთ. მაგრამ, როდესაც ისლამი მიიღეს სხვა ხალხებმა, რომელნიც არ ეკუთვნოდნენ არაბთა მოდგმას, იმათ თავიანთ რასისა და კულტურის განსაკუთრებულ თვისებათა თანახმად განმარტეს წინასწარმეტყველის სამოციქულო, და ამას შედეგად მოჰყვა პირველყოფილ ისლამის გადასხვაფერება და დამხინჯება. ამის საუკეთესო მაგალითი მოგვცა სპარსეთმა, სადაც მაჰმადის სასტიკი ერთღვთიანობა (მონოტიზმი) გადიქა დახლართულ, საიდუმლო ღვთის მსახურებად. შიიზმის სახელით, რომელმაც მალე ჩამოაშორა სპარსელები მართლმადიდებელ მუსულმანურ ქვეყნიერობასთან წინანდელ სრულ ერთობას. ცვლილების ასეთმავე მიმართულებამ, თუმცა ცო-

ტა უფრო ნაკლებ, თავი იჩინა წმინდანების თავყანისცემაში ჩრდილო აფრიკეთის ბერბერთა შორის და ინდოეთის მუსულმანთა მრავალ ღმერთიანობაში. ამ ცვლილებებს უეჭველია, მაჰმადი დაგმობდა. ისლამის მოძღვრების რღვევასთან ერთად პოლიტიკური ერთობის რღვევაც სწარმოებდა.

პირველი ნამდვილი რღვევა მოჰყვა აბასიდების გამეფებას. დამხობილ ომეადთა გვარის ერთი წევრი ისპანეთში გაიხიზნა; ეს სახალიფო კანონიერად იცნეს არა მხოლოდ ისპანეთის მუსულმანებმა, არამედ ჩრდილო აფრიკეთის ბერბერებმაც; შემდგომი ერთი სხვა სახალიფოც გაჩნდა ეგვიპტეში-ფატიმიტთა სახალიფო. რომელიც მაჰმადის ქალიშვილის ფატიმისაგან წარმოდგებოდა და მისი სახელიც დაირქვა. რაც შეეხება ბაღდადელ აბასიდ ხალიფებს, მათი ძლიერება ნელ-ნელა ეცემოდა იმ დრომდე, როდესაც ისინი უბრალო ტიკინებად გადაიქცნენ ახალის რასის, თურქების ხელში.

ვიდრე ძალა-უფლების ახალ არაბთაგან თურქების ხელში გადასვლის აწერას შეუდგებოდეთ, რაიც ესოდენ მნიშვნელოვანი იყო ისლამის ქვეყნიერობის ისტორიისათვის, საჭიროა განხილვა კულტურისა და გონებრივ ძლიერების დაცემისა, რომელიც იმავე დროს მოხდა, როგორც პოლიტიკურ და სარწმუნოებრივ ერთობის დარღვევა, ახალ არაბულ ეპოქის უკანასკნელ ხანებში.

მაჰმადის დროის არაბები წარმოადგენდნენ ახალ ხალხს, გაურყვენელს, პირველ ყოფილ ძლიერებით სრულიად აყვავებულს, ავანტურის მაძებარს, ხალხს, რომელსაც ასულდგმულეზად მაღალი იდეალი. მართალია, უბრაულ ფანატიზმსაც ჰქონდა თავისი წილი მათს ხასიათში; მაგრამ, თუმცა ფანატიკოსები იყვნენ, მაგრამ არა ფარისევლები; მათი გონება არ იყო დახშული, არამედ ღია. მტკიცედ ადგნენ თავიანთ რჯულის ძირითად დებულებებს, ხოლო თვით რჯული უკიდურესად მარტივი იყო. მაჰმადის მოძღვრების შინაარს შეადგენდა თეონში (აღიარება ერთის ღმერთის არსებობისა) და რამოდენიმე განსახვრთილი წესი. სასტიკი რწმენა იმისა, რომ ღმერთი ერთია; არა ნაკლებ სასტიკი რწმენა იმისა, რომ მაჰმადი ღვთიურ მოვალეობის \*) აღმასრულებელი იყო, ისე როგორც ეს განმარტებულია ყურანში, და ზოგიერთი ნიშანდობლივ გარკვეული მოვალეობა. —ლოცვა, დაბანა, მარხვა, მოწყალება და წმ. ად-

საჭიროა ღვთიურ მოვალეობის აღსრულების და თვით ღვთაებრიობის სასტიკი ვარჩევა. მაჰმადი არა თუ ღვთაებდ არ სახავდა თავის თავს, არამედ უარსყოფდა ან ხასიათის ყოველსავე ნიშანსაც კი. თავის თავს ის უყურებდა, როგორც ღმერთისაგან შთაგონებულ წინასწარმეტყველთა რიგის უკანასკნელ წარმომადგენელს, იმ რიგისას, რომელიც ადამით იწყებოდა და მოსუხე და ქრისტეხე გადმოსული თავდებოდა მასზე, უკანასკნელ და უნამდვილეს ღვთიურ გამოცხადების მტარებელზე.



გილთა მოლოცვა—მხოლოდ ეს შეიცავდა ისლამს: ასეთს სადა ღვთისმეტყველებას არ შეეძლო შეეზოკა არაბის გონება, ისეთი ფხიზელი. ისეთი ცნობის მოყვარე, ისეთი ხარბი სწავლისა და ისეთი განწყობილი უფრო სრულ და რთულ პირობებთან შეგუებისთვის, ვიდრე გადამწვარ უდაბნოს ჩარჩობებში მოიქცნებოდა. მეორე მხრით, არაბები მათ მიერ დაპყრობილ უფრო განვითარებულ საზოგადოებათაგან მატერიალურ გამორჩენასა და მათ ფუფუნებას კი არ ექებდნენ მხოლოდ, არამედ აფასებდნენ ხელოვნებას, მწერლობას, მეცნიერებას და ამ უფრო ძველ ცივილიზაციათა ახრებს.

ამ ახალ ამღზნებ საშუალებათა ზეგავლენა გამოიხატა იმ შესანიშნავ გონებრივ ალყავებაში, რომელიც რჩება სარკინოხთა ცივილიზაციის დიდებად. ერთხანს აზროვნება შედარებით თავისუფალი იყო და უხვად წარმოიშვა ორიგინალური აზრები და გაბედული თეორიები. ეს არ იყო მხოლოდ არაბთა ღვაწლი, არამედ აგრეთვე მათ ქვეშევრდომთა ქრისტიანების, ებრაელებისა და სპარსელების, რომელთაგან მრავალი ერეტიკოსები იყვნენ, რომელნიც წინად რკინის ჯაჭვებით ჰყავდა შეზღოვილი ბიზანტიურ მართლმადიდებლობისა და სპარსეთის მოგვობის იქვიანობას.

მაგრამ ეს სინათლის ხანა ნელ-ნელა დაბნელდა. გამოჩნდნენ რეაქციის ძალები, რომლის ძლიერებამ იმატა. ლიბერალები, რომელთაც «მოტახელიტების» სახელით იხსენიებენ საზოგადოთ, ერთგულები დარჩნენ პირველყოფილი ისლამის მოძღვრების სიმართლივსა და გარდა ამისა ამბობდნენ, რომ ყოველივე საგნის საზომი გონება უნდა ჰყოფილიყო; ხოლო, მეორეს მხრით, კონსერვატული სკოლა ამტკიცებდა, რომ ეს საზომი უნდა ჰყოფილიყო წინად არსებული პრეცედენტი და ავტორიტეტი. კონსერვატორებმა, რომელთა შორის მრავალი იყო ისლამში გადასული ქრისტიანი, ჯერ კიდევ გაუღმთილი ბიზანტიურ მართლმადიდებლობის ტრადიციებით, უშველებელ შრომას მიჰყვეს ხელი: ყურანის განმარტებას და ამას გადააბეს კოლფიკაცია (შეგროვება) და განმარტება მაკამდის მიერ ვითომდა ნათქვამისა და იმ სახით, როგორც ამას ვადმოხსცემდნენ მისი მოწაფენი და უშუალო მომსწრენი. ამ შრომის შედეგი იყო, რომ თანდათან წარმოიშვა მუსულმანური ღვთისმეტყველება და სქოლასტური ფილოსოფია ისეთივე უხეში, ისეთივე რთული და ისეთივე დოღმატური, როგორც იყო საქრისტიანო დასავლეთს საშუალო საუკუნეებში.

ბუნებრივია, რომ რაციონალიზმისა და ტრადიციონალიზმის დაუნდობელმა ბრძოლამ დიდ ხანს გასტანა. მაგრამ მისი საბოლოო შედეგი არაფერს მოულოდნელს არ წარმოადგენს. ყველაფერი ხელს უწყობდა დოღმის გონებაზე გამარჯვებას: მართლაც აღმოსავლეთის ისტორიული მიდრეკილება (რომელსაც უმთავრესად რასისა და ჰავისაგან დამოკიდებული ფაქტორები ჰქმნიდნენ) თვით მპყრობელობისაქენ იწვედა. ეს მიდრეკილება ერთხანს შესწყვიტეს უდაბნოს მკაცრმა და სრულის თავისუფლების მოყვარულთ, მაგრამ სასულიერო დემოკ-

რატიის, ე. ი. ხალიფობის, დესპოტიად გადაქცევით წახალისებული ძველი მიდრეკილება მალე ისევ განმტკიცდა.

თვითმპყრობელობის ამ გამარჯვებამ პოლიტიკურ სფეროში, ნიადაგი მოუშხადა მის მომავლ გამარჯვებას აგრეთვე ყველა დანარჩენ სფეროებშიაც, რადგან დიდის ხნით დესპოტიზმს იმდენადვე არ შეუძლია შეურიგდეს აზროვნების თავისუფლებას, რამდენადაც არ ურიგდება იგი მოქმედების თავისუფლებას. მართალია, დამასკოს ზოგიერთი ხალიფი მოთახელიტობდა, ე. ი. ლიბერალობდა, რადგან ომეიადები მეტნაწილად გამსჯელი ხალხი იყო და თავისუფალი აზრი იზიდავდა მათ გონებას. მაგრამ ხალიფები მალე მიხვდნენ, თუ სად მიჰყავდა პოლიტიკურ ლიბერალიზმს. მოთახელიტები არ კმაყოფილდებოდნენ ფილოსოფიურ აზროვნების სამეფოში კარჩაეტილობას. ისინი უფრო საშიშ ნიადაგზე მოძრაობდნენ. მათი ხმა ისმოდა მექას სახალიფოს დემოკრატიულ ეპოქის მოსაგონებლად, როდესაც მოაწმუნეთა წინამძღოლი იყო არა შთამომავლობით მონარქი, არამედ ხალხისაგან არჩეული და საზოგადო აზრის წინაშე პასუხისმკებელი. ზოგი უფრო გაბედული იქამდისინაც მიდიოდა, რომ კავშირს იქუერდა არაბეთის შუაგულ მრისხანე და ფანატიკოს სექტებთან, მაგ. ქარიჯიტებთან, რომელთაც უდაბნოს ძველი თავისუფლება შეენახათ, ხალიფას არ სცნობდნენ და დაწინაურებულ რესპუბლიკანობის თეორიებს აღიარებდნენ.

ხალიფებიც უფრო და უფრო კონსერვატორ ღვთისმეტყველებს უბრუნდებოდნენ ლიბერალების წინააღმდეგ და თან მონარქისტ ახალ არაბებს უწევდნენ მფარველობას უპირატესად უდაბნოს შეურიგებელ წმინდა წყლის არაბებისა. აბასიდების მეფობის დროს მთავრობამ აშკარად დაუჭირა მხარი რელიგიურ თვითმპყრობელობას. დაწესებულ იქნა დოღმატურ მართლმადიდებლობის კანონები, სდევნიდნენ და სიკვდილით სჯიდნენ მოტახელიტებს და მე-12 საუკუნეში აღმოფხვრილ იქნა სარკინოხული ლიბერალიზმის უკანასკნელი ნიშნები. მუსულმანურ აზროვნების მრწამსი საბოლოოდ ჩამოყალიბდა; ყოველივე შემოქმედებითი მოქმედება მოისპო. გაჰქრა მოტახელიტების დიდ სწავლულთა ხსოვნაც კი. მუსულმანური გონება დაიხმო და მხოლოდ ჩვენს დროს უნდა გავვიძებულებო.

მე-11 საუკუნის დასაწყისს სარკინოხულ ცივილიზაციის დაცემა იმდენად ცხადი იყო, რომ ცვლილების სუნი ჰაერში იდგა. პირველყოფილ ძლიერების დაკარგვის შემდეგ ახალ-არაბები ხედავდნენ, როგორ გადადიოდა სხვის ხელში მათი პოლიტიკური ძალა. ახალ-არაბთა მემკვიდრეებად მოვიდნენ თურქები, თურქები იყვნენ დასავლეთის შტო მომთაბარე თემების იმ რასისა, რომელიც უხსოვარ დროიდგან დაწინააღმდეგდა აღმოსავლეთ და შიდა აზიის უსაზღვრო მინდვრებზე (სტეპებზე) და რომელსაც იხსენიებენ «ურალო—ალტაის» ან «თურანელ» ხალხების სახელით. მას შემდეგ რაც ისლამმა სპარსეთი დაიპყრო, სადაც თურქები განუწყვეტილივ არბევდნენ აღმოსავლეთ-ჩრდილოეთის სახლ-

რებს და სადაც მუსულმანი სარღლები პირველად შეეყარნენ მათ, არაბები აღარ დაშორებიათ თურქებს. ხალიფობის ბედნიერ დროს თურქების არ ეშინოდათ. პირიქით, გამოსადეგ ძალად სთვლიდნენ. გონება მძიმე და აზრებით ღარიბი თურქები ორ საქმეში შეუდარებელნი იყვნენ: იცოდნენ მორჩილება და იბრძოდნენ შმაგივით. ხალიფები აღტაცებული იყვნენ ამით და უფროდაუფრო აპყავდათ თავიანთ ჯარში და სასახლის მცველ რაზმში.

(გაგრძელება იქნება)

### ს ა ქ ა რ თ ვ ე ლ ო ს ა მ ბ ე ბ ი

(ყუზნალ-გაზეთებიდან)

ა. კავკასიის რკინის გზების მუშაობა თებერვლის განმავლობაში კიდევ გაუარესდა.

— დიდი თოვლის შემდეგ საქართველოში მოვილიან მდინარეების აღიდებას და დიდს ზარალს.

— მე-17 პარტ. კონფერენციაზე კავკასიელმა დელეგატებმა განაცხადეს, რომ საჭიროა გარკვეული პოლიტიკა სოფლად: ან მარჯვნივ, ან მარცხნივ. თუ მარჯვნივ მივდივართ, შეურიგდეთ გლეხობას, თუ მარცხნივ—პირდაპირ ვუთხრათ, რომ გვინდა მათი ექსპლუატაცია სოციალიზმისათვის.

— სამხედრო კომისარმა ვოროსილოვმა წითელ არმიის მიმართ ბრძანება გამოსცა, სადაც გულახდილად აღიარებს, რომ წითელ არმიელთა წყალობით დამყარდა საბჭოთა ხელისუფლება საქართველოსა, სომხეთსა და აზერბეიჯანში.

— სტამბოლში იტყობინებიან ბაქოდან, რომ ბოლო დროს კავკასიაში ძლიერ გაიზარდა რუსოფობური მიდრეკილება.

— ბათომიდან იტყობინებიან, რომ უცხოეთიდან დაბრუნებულ სომხებს ჩეკამ მკაცრი ჩვენება ჩამოართვა. რის შემდეგ 30 კაცი დაატუსადეს, ხოლო ორი ათასი თურქესტანის და აზერბეიჯანის პლანტაციებში გაგზავნეს იძულებით სამუშაოზე.

### უკრაინელთა შორის

მოსკოვის მთავრობამ, რათა უკეთ ებრძოლოს ეროვნულ და ანტიკომუნისტურ მოძრაობას, მთელი უკრაინა ხუთ გუბერნიად გააყო და ადგილობრივ მთავრობას თითქმის ყოველივე ძალა ჩამოართვა. თითოეულ რაიონის გამგედ დანიშნულია სპეციალური კომისია, სრულიად საიმედო ცხრა კომუნისტისაგან შემდგარი, და მას მინიჭებული აქვს წინანდელ გენერალ გუბერნატორების უფლებანი.

— უკრაინაში ვახშირდა კომუნისტების თვითმკვლელობა. ერთმა მათგანმა ცნობილმა კომუნისტმა ივანე მადნიკმა თავის მოკვლის წინ წერილი დასტოვა, სადაც ამბობს, რომ უკრაინაში ცხოვრება აუტანელი გახდა იმათვის, რომლებიც მთლად არ ყმენ მოსკოვს.

— მოსკოვის ბრძანებით გადააყენეს უკრაინულ საფილმო ტრესტის ხელმძღვანელი იმისთვის რომ ეროვნულ მიმართულების ფილმებს აგრცელებდენ.

### თ უ რ ძ მ ს ტ ა ნ შ ი

ხუთ თვეზე მეტია, რაც კრასნოვოდსკიდან მერვამდის ნამდვილი საომარი მდგომარეობაა დამყარებული. ეს არაა ჩვეულებრივი ბრძოლა ბასმაჩების წინააღმდეგ, მთავრობა აწარმოებს ომს მშვიდობიან ხალხთან, რომელიც აქამდის ყველაფერში ემორჩილებოდა კომუნისტებს, მაგრამ დღეს დაუსრულებელმა დარბევამ და ძარცვამ უკიდურეს სასოწრკვეთილებამდე მიიყვანა და იარაღით ცთილობს თავის დაცვას. მის შემდეგ, რაც შეძლებული ელემენტები სრულებით მოსპეს და გაანადგურეს, ახლა ხელი მიყვეს უღარიბეს მცხოვრებლებს ტყავის გაძრობას. ამიტომ ხალხი სტოვებს სახლკარს. გარბის უდაბნოებსა და მთებში და გამწარებული ებრძვის მთავრობას. უკანასკნელი ყოველ ზომას მიმართავს. პაეროპლანებს და გაზიან ყუმბარებსაც ხმარობს. სწყვეტენ არა მარტო ადამიანებს, არამედ შინაურ საქონელსაც.

### ქართველები გერმანიაში

27 იანვარს, ნინოზას, ბერლინის ქართველთა საზოგადოებამ, გადაიხადა ამ საზოგადოების არსებობის 10 წლის თავი. კრებას ქართველობა ბევრი დაესწრო. მის წულუკიძემ გააკეთა მოხსენება საზოგადოების მუშაობის შესახებ დღიდან მისი დაარსებისა 1921 წელს.

მოხსენების შემდეგ კრებამ ფეხზე ადგომით პატივი სცა საქართველოს დამოუკიდებლობისათვის დახოცილთ, წამებულთ და მადლობა გამოუცხადა ბ. გრ. დიასამიძეს. საზოგადოების ერთ-ერთ დამაარსებელთაგანს და მის პირველ თავმჯდომარეს იმ მუშაობისათვის, რომელიც მას საზოგადოებისათვის გაუწევია. დღის შესაფერისი სიტყვა წარმოსთქვა ბ. გ. გელაზანიამაც. ამის შემდეგ გაიმართა ბასი თემაზე «ქრისტიანიზმი და კულტურა», «წმ. ნინო და ქართული კულტურა». ამ ბასს, რომელშიდაც მონაწილეობა მიიღეს ბ. გრ. დიასამიძემ, გ. კერესელიძემ, მის. კაუხჩივილიმაც. მის. წულუკიძემ, მეტად საინტერესო ხასიათი მიეცა. კოლონიის გამგეობა ამ დღეს ქართველ ბავშვებს საჩუქრებით გაუმასპინძლდა.

30 იანვარს ბერლინის ქართველობამ გადაუხადა ბ. გრ. დიასამიძეს იუბილე მისი ორმოცი წლის საზოგადო და სამწერლო მოღვაწეობის აღსანიშნავად. მისალოც სიტყვებს მოყვა ბავშვების ლექსები, ქართული ცეკვა, ვახშამი, ქართული პანგები გერმანულ ორკესტრის, ქართული სიმღერა. გრ. დიასამიძემ გულითადი მადლობა გადაუხადა ყველას პატივისცემისათვის.

მ.—ანი.



**ი ს ე ვ მ ს ს ვ მ რ კ ლ ი**

ამა მარტში შესრულდა წლისთავი, რაც საზღვარ-გარეთელ ქართველმა მებრძოლმა ორგანიზაციამ იპოლიტე ბესელიას სახით დაკარგა მშობელი ერის ერთი დიდი მოსიყვარულეთაგანი. თვალწინ მიდგას მისი რაინდული შეხედულება, ჩაფიქრებული სახე, რომელთან უკანასკელი შეხვედრა მქონდა ვასული წლის თებერვლის მიწურულში. «რა შემძლია შევსწირო ჩემს საყვარელ სამშობლოს ან რას მომთხვავს იგი ჩემს ნორჩ სიცოცხლის მეტს»ო, იყო იპოლიტეს უკანასკნელი სიტყვა, ამონახეთი გულის სიღრმიდან. ეს თითქოს მისი ანდერძი იყო...

მანქანა შენელებული ტემპით ავრძელებს გზას, წამსვლელი ჩქარი ნაბიჯით უახლოვდება, სხდება. მანქანა თვალის დახამხამებაში იკარგება თვალთახედვიდან და მას გაყვა იშვიათი, ყოველ საკითხში მიუდგომელი მეგობარი...

დაბრუნების დანიშნული რიცხვი ახლოვდება, აუწერელი ნერვიულობა სუფევს. ავტო კიდევ გადის დრო. დაიგვიანა. მოთმინების ფიალა აიგის. დაბრუნების მაგივრად საზარელი ცნობა: ღამით 9 მარტს საზღვართან გადმოსვლისას ჯალათებთან უთანასწორო ბრძოლაში მტრის მიერ ტყვეობით განგმირული დაეცა იპოლიტე იმ რწმენით, რა რწმენით გაემგზავრა სამშობლოში. მტერი მოტყვილდა: მას ხელთ შერჩა უსულო გვამი; დაკისრებული მისია კი ღირსეული შვილის მიერ მტკიცედ იქნა შესრულებული.

დიდი ხანია ქართველი ერი აწარმოებს ბრძოლას უთანასწორო მტერთან; ცივი ადგილები ვეებერთელა რუსეთისა გატკეპნილია ქართველი ერის საუკეთესო შვილების მიერ. მასიური გამოსვლა პირვანულზე გადადის და ასეთების უსახელო საფლავი აუბრებელი მოიპოვება, როგორც სამშობლოში, ისე მის საზღვრებს გარეთ. ასეთ უსახელო საფლავს ეკუთვნის იპოლიტეს საფლავი. გაივლის დრო, განთავისუფლებული სამშობლო შეეცდება ასეთი მსხვერპლების ნეშტები გადატანად და დასვენებულ იქნეს ეროვნულ პანთეონში.

ამ ბედნიერ დღეს არ უნდა დავივიწყოთ 9 მარტის ღამის მსხვერპლნიც.

ოთარი.

**ქართველ უმუშევართა დამხმარე კომიტეტის  
ა ნ გ ა რ ი შ ე ბ ი**

1932 წლის 7 იანვრიდან 15 მარტამდე.

კომიტეტმა დაიწყო თავისი მოქმედება ამა წლის 7 იანვარს, როდესაც მან მიიღო ინიციატორთა ჯგუფისგან 235 ფრანკი. მან აწარმოვა უმუშევართა რეგისტრაცია, რომლის თანახმად პარიზში არის 78 უმუშევარი ქართველი (ნამდვილად კი, ალბათ, ბევრად მეტი), რომელთაგან მუნიციპალურ დახმარებას იღებენ მხოლოდ 26-ნი.

კომიტეტმა დახმარება აღმოუჩინა უმუშევარებს შემდეგი სახით: 14 უმუშევარი სხვადასხვა ადგილზე სამუშაოდ მოაწყო. 52 უმუშევარს მისცა 780 სადი-

ლი. 18 უმუშევარს მისცა 188 სანოვავის ბანი. 20 უმუშევარს სერტიფიკატები სანოვავის უფასოდ მისაღებად, და გზის ფულით დახმარება. 2 უმუშევარი ჯერ საავადმყოფოში და მერე თვე-ნახევრით დასასვენებლათ მოაწყო. 10 უმუშევარს აღმოუჩინა სხვადასხვა იურიდიული დახმარება (კარტდინანტი ტეს შესახებ).

ამ სხვადასხვა სახის დახმარების საწარმოებლად დაიხარჯა 3.872 ფრ. 50 სან. მიღებული გექონდა კი (იხილეთ ქვევით შემოწირულებათა დაწვრილებითი სია) 4.472 ფრ. კასაში რჩება 599 ფრ. 50 სანტიმი.

სრული სია მიღებულ შემოწირულებათა:

საქართველოს მთავრობა 500 ფრ., ქლეჩით დაავად-მყოფებულთ დამხმარე საზოგადოება 500 ფრ., ანონიმ. (ქალბ. პელმის ხელით) 500 ფრ., ანონიმ. (ქალბ. ავალიშვილის ხელით) 400 ფრ., ქართული კომიტეტი პოლონეთში 350 ფრ., ანონიმ. (ბ. ნ. გეგეჭკორის ხელით) 200 ფრ., m-elle Rumen 200 ფრ., ნ. ცინცაძე 150 ფრ., m me Pigier 100 ფრ., დ. სხრტლაძე 100 ფრ., კ. კახიანი 100 ფრ.; მაიორი თევზაძე, ლეიტენანტები: თიბაძე, კიკნაძე, ხელაძე, დ. ყიფიანი, ნანუაშვილი, ხუნდაძე და კაპიტანი მაჟუვარიანი 375 ფრ.; ორმოცდაათ-ორმოცდაათი ფრ. აკ. ჩხენკელი, ევ. გეგეჭკორი, კ. ჯაყელი, ქ. ნი ელ. დემოლონ. რ. ინგილო, m-me Jules Peugeot, m-elle Geneviève Duverney, m-me Jules Peugeot, m-r Toussaint; ალ. ასათიანი 40 ფრ.; m-me Michel Peugeot 30 ფრ., m-me Auguste Bosquette 30 ფრ.; ს. კობიაშვილი 25 ფრ.; ოც-ოცი ფრ.: კ. კანდე-ლაკი, ელ. დეკანოზიშვილისა, დ. ჭიბრიშვილი, ანტ. ჟორჟოლიანი, m-me Jean Bosquette, m-me Edouard Japy, m-me Marsel Duverney, m-me Marsel Bosquette, D r René Duverney, m-me Heuri Peugeot, ელ. აფხაზისა, ივ. ზურაბიშვილი; თუთხმეტ-თუთხმე-ტი ფრ.: კ. გვარჯალაძე, კ. საბახტარაშვილი, ნ. ნი-უარაძე, გრ. უხაძე, m me Georges Japy; ათ-ათი ფრ.: შ. აბდუშელიშვილი, ივ. ჭავჭავაძე, ნ. ჩიჩუა, გ. ქლე-ნტი, ერ. ურუშაძე, m-me Marsel Japy, m-me Albert Japy, m-me Jacques Peugeot; ხუთ-ხუთი ფრ.: შ. ქა-რცივაძე, პ. სარჯველაძე, ლ. ურუშაძე, m-me Hugu-ens, Anon. (par m me Duverney); თინა სარჯველა-ძის ასული 2 ფრ. სულ 4.472 ფრ.


კომიტეტი მადლობას უძღვნის ყველა შემომწი-რველთ და ერთხელ კიდევ მოაგონებს მათ, რომ გა-ჭირვება დიდია, რაც საქირთთ ხდის ყოველთვიურ დახმარებას.

Le comité d'aide aux chômeurs Géorgiens prie ses amis français—qui se sont montrés si généreux à l'égard de la misère géorgienne,—de vouloir bien trouver ici l'expression de sa profonde reconnaissance.

Le comité ose espérer que ces amis, voudront bien continuer à l'aider tout par la qropagande que par de subventions régulières, aussi minimes qu'elles soient.

Merci d' avance.

კომიტეტის თავმჯდომარე ბ. ჭეკელიანი.  
ხაზინადარი პ. თუმანიშვილი.



### ისტორიული ამბები

აზილის თავის-განწირვა.

მეფე არჩილ ჯერ მცირე ყრმა იყო, როცა არაბები შემოესიენ საქართველოს 638 წ. მამა მისმა სტეფანოზმა, რომელმა ვერ იკადრა სახელი შეფობისა, სპარსთა და ბერძენთა შიშისაგან, არამედ იწოდებოდა მხოლოდ ერისთავთა მთავრად, სარკინოზნი \*) რომ სპარსეთში შემოვიდნენ, — ყოველი საგანძურით ფარულად იღებდნენ და მთელი სახლუფლით ეგროსში \*\*) გადავიდა. მოკვდა იქ სტეფანოზ და მეფეებად გამოცხადდნენ შვილი მისი მირ და არჩილ, და მათი ეგრისში ყოფნის დროს, მოვიდნენ პირველად არაბნი ქართლს. წინამძღოლობდა მურვან, ბიძა ხალიფისა, კაცი მეტად მკაცრი და უღმობელი, რომელიც სიტყვის შებრუნებას და საჩივარს არავისგან მიიღებდა, და ამიტომ ეძახდნენ მას ყრუს, მურვან ყრუს.

მოეფინა მურვან ყრუ თავის ჯარით ქართლს, ვითარცა ღრუბელი ბნელი, ვითარცა მკალი და მუმილი და დაფარა პირი ქვეყანისა. გადავიდა სამცხეს, შემუსრა ყოველი ციხენი და დაანგრია ოძრხე (დღევანდელი აბასთუმანი), რომელი იყო ქალაქი სახელოვანი. წამოემართა არგვეთად, გასწყვიტა ურიცხენი და მისცა მრავალთა სატანჯველთ დავით და კოსტანტინე. შეესია სამეგრელოს აფხაზეთამდე, მიწასთან გაასწორა ქალაქი და დაბანი, აღაოხრა და უკაცურ ჰყო ქვეყანა მეგრეთა და აფხაზთა და არღრა იპოვებოდა არცა ნაშენები, არცა საშემელი კაცთა და პირუტყვთა. ხოლო მეფენი გამაგრდნენ ანაკოფიას (აფხაზეთში).

სთხოვეს შეწყვნა საბერძენეთის კეისარს მირმა და არჩილმა, ხოლო უმწეო იყო თვითონ და ნუგეშინის და გამხნეების წიგნი და მოუწერა მეფეებს. ვერ უმკლავდებოდნენ ქართველნი სარკინოზთა სიმრავლეს, მხოლოდ ერთხელ შესძლეს დიდი მარცხის მიყენება და მრავალი ჯარი გაუწყვიტეს მტერს აბაშისა და ცხენის წყლის ნაპირებზე...

დასტოვეს არაბებმა საქართველოს ციხეებში თავისი კაცები, დაადვეს ხარკი ერისთავთ და გაბრუნდნენ უკან თავის ქვეყანაში. გარდაიცვალა მირ და დარჩა მეფედ არჩილ. დაუმადლა აფხაზეთის ერისთავს კეთილისა მსახურებისა და სტუმრობისათვის, მისცა მას ცოლად თავის ძმის წული, დაუმტკიცა ქვეყანა კელასურით ხაზარეთის მდინარემდე (ყუბანი) და ჰყვეს აღთქმა და ფიცო ერთგულობისა.

შუღღა არჩილ დანგრეულ ციხეთა და ქალაქთა აღდგენას, გაამაგრა ეგრისი შორაპნამდე. გადმოვიდა და დაიწყო შენება ქართლისა. შემდგომად დაისადგურა კახეთს და ალაგო სიმაგრენი და ეკლესიანი.

«და ვითარ გარდახდეს ამას შინა წელიწადნი ორმოც და ათნი, კვლავ მოვიდა ქიქუმი ასიმ, ნათესავი მოჰამედისი, მოაოხრნა და შემუსრნა ყოველი

\*) სარკინოზ, სარაცინ—არაბი, საზოგადოთ მაჰმადიანი.

\*\*) ეგრისი—სამეგრელო, საერთოდ ლიხთ—იმერეთი.

შენებული ქართლისა და მიმართა კახეთად, მოაოხრა და ყოველითურთ უმკვიდრო ჰყო. და იყო შიში დიდი ყოვლისა ერისა და არა შემძლებელ იყვნეს წინააღდგომად, რამეთუ განერყვნა ქვეყანა ყრუსა და თუმცა მრავალთა ყამთა განვლეს მშვიდობით, მაგრამ არღრა მოგებულ იყო კვალსავე თვისისა».

ესეთი გასაჭირი რომ ნახა მოხუცმა არჩილ მეფემ, გადაწყვიტა მისვლა ქიქუმ ასიმთან, რათა ითხოვოს მისგან მშვიდობა ქვეყნისა, დაცვა ეკლესიათა და არა დაპატიჟება სჯულისა და ტყვეებისათვის. ქიქუმ სიხარულით მიეგება მეფეს, დიდება სცა და შეიყვარა სისრულე ჰასაკისა და მშვენიერება პირისა მისისა. ხოლო შემდგომად მცირედთა დღეთა დაუწყო ლიქნით სიტყვა—დასტოვოს ქრისტიანობა და მიიქცეს სარკინოზად და აღუთქმიდა ნიჭთა დიდთა. არჩილმა მიუგო: «ნუ იყოფინ! მე ვარ მეფე ქრისტიანეთა და არა ჯერ არს ვულალატო ერსა და ღმერთსა ჩემსა».

მაშინ ქიქუმ უბრძანა შეპყრობა მისი და ჩაგდება საპყრობილენში.

რამდენისამე დღის შემდგომად გამოიყვანეს არჩილ და წარუდგინეს ქიქუმ ასიმს და უთხრა კვლავ მან: «შენ იყავ მაშასთან შენთან, რა ყამს იგი დაფვლიდა ქართლისა საგანძურთ, და იცი ისიც, თუ სად დაფლა ჰერაკლემ საგანძურნი ბერძენთა. მიჩვენე და მოიქეც სჯულსა ჩემსა და გყო სახალარი ქვეყანასა ზედა ქართლისასა და განგადიდო წინაშე ჩემსა». და კვლავ მიუგო არჩილმა: «მცირე ვიყავ ჰასაკითა, ოდეს ჰერაკლემ კეისარმა განვლო ქვეყანა ესე, ხოლო მაშამან ჩემმან და ძმამან დახსნეს ყოველნი საგანძურნი (ციხესა აფხაზეთს, რომელი აწ აქვთ ბერძენთა). ჰკითხა ასიმ: «შენ იყავ აფხაზეთს, როს სარკინოზნი დაეცნენ ქართველთ?» ჰრქვა არჩილ: «მე ვიყავ მაშინ, რა ყამს ქართველთ დასცნენ და შემეურნეს სარკინოზნი და ღმერთი ცხოველი ქრისტი იყო მათთან!»

განრისხდა ქიქუმ ასიმ და დაიყვირა: «რომელი ღმერთი? ერთ არს ღმერთი და მოჰამედია მოციქული მისი, და არავინაა, რომელი წინააღუდგეს მას!»

და ბრძანა სიკვდილი არჩილისა. წაიყვანეს მტარვალთა და მოკვეთეს თავი მახვილითა.

ხოლო მოვიდნენ დამე გოდერძიანი ტბელნი და მათთანა სხვანიცა, მოიპარეს გვამი არჩილისა, შემურეს დიდითა პატივითა და დაამარხეს ნოკტორას, მის მიერ აღშენებულ ეკლესიას.

ს. ტ.



დაიბეჭდა და გამოვიდა გასაყიდად

ს ა შ პ რ თ ვ ე ლ ო ს ი ს ტ ო რ ი ა

მოკლე მიმოხილვა

უძველეს დროიდან 26 მაისამდე.

დავით აღმაშენებლის, თამარ მეფის, შ. რუსთველის და ერეკლე მეორის პორტრეტებით.

გამოდგმა «დამოუკიდებელ საქართველოს».

ფასი ხუთი ფრანკი.